

新刊康對山先生武功縣志

HARVARD COLLEGE LIBRARY
FROM THE
HARVARD - YENCHING
INSTITUTE

~~JUN 17 1931~~

May 25 1931

CHL 3155/1412.76
33
C2

乾 隆 辛 巳 季 秋

孫酉峯評註
瑪敬齋叅訂

新刊康對山先生 武功縣志

本縣藏板

新刊康對山先生武功縣志序

夫邑之有志猶歷代有史也。邑志之有前明康殿撰對山武者。讀遷史則知斯志之善矣。然此特論其文。而經濟之學。實載於中。未嘗以文掩。予自弱冠時。即聞秦多名志。而對山武功志。人皆推為第一書。丁丑秋奉

命來邑。取其志讀之。僅七篇。初疑為簡。竟讀始知其不可增。地理自有邵氏肇封。迄於勝國。數千載沿革。與夫川原古蹟。不俟煩言。歷歷可考。顧以風俗終始。謂移易者。責在邑長。爾志建置次第井然。官署外獨於學校興復加詳。長斯邑者。得不視為急務歟。事神為治民之典。故祠以祀之。有修葺必書。示主祀者。知所敬也。若夫地闢民聚。賦役有經。而官忘撫字。吏肆

貪求豪強任所低昂。物產因而虧竭。民力奚支。言之洞然。惻然使人一披覽。傷懷者。田賦志也。思深哉。是篇親民之官。尤宜三復。官師志善惡並列。足爲勸懲。令讀者慕且懼焉。斯非當官之炯鑑耶。人物選舉二篇。可互觀。至其賢才輩出。科第聯翩。必歸諸政教。則言外之意。可思矣。要之七篇義法。原於龍門。而經濟名言。胥關治理於乎。此志之所以善哉。予庸學無能。叨荷

聖恩。簡用承乏名區。五載於茲。自慚碌碌。報稱何由。每讀斯志。法戒分明。知爲切要之編。可借以策其未逮。所憾魚魯混淆。更或點竄動移。失其本色耳。在籍太史孫酉峯先生。覓舊刻細爲校讐。正其謬闕。其疑加之評註。有年矣。而志之善乃益章焉。予求觀之。遂付梓以公諸同好者。當不徒取其文而遺其

所載。視爲飾輪轅之虛車也。

乾隆二十六年辛巳重陽前一日知武功縣事長白瑪星阿書

新刊康對山先生武功縣志序

自對山康先生著吾武功志七篇。世之讀者莫不稱善。予讀斯志數十年。好之甚篤。竊謂先生實史才。以史才而見於邑志。宜其志之法。扶世教。正人心。埒於良史。而傳之獨可久焉。豈以文哉。然豈不以文哉。或謂先生史官也。故以史體爲志體。是第見其官師篇。美惡並書。別於他志。而於七篇無筆。非史法者。殆未之悉耳。夫志之與史。偶殊者體也。而無不同者法也。有其才。則有其法。體之同否。可盡拘歟。先生作志時。解史局已十載。試觀七篇中。地理建置。祠祀田賦。選舉五者。視史體復何殊。惟官師人物。義不當假史官褒貶之權。而官師人物之列於前史。如酷吏趙禹。毛若虛。其行又誰能隱之。卽明代官師。亦自有不能爲之隱者。則先生之於美惡並書。非僭也。然非後人所易效。至於明代科貢人物。有褒無貶。與

武功縣志序
新刊武功縣志序
武功縣志序

史體畧殊者在茲。故曰志者史之餘也。涇野呂氏云。康德涵漢馬遷之才。學之博猶未逮。此爲深知先生語。學者不知遷史之法。烏知斯志之卽史。知遷史之法。而徒事摹擬者。亦烏知斯志之爲史。法史才而不襲遷史之貌。耶於乎善哉。已仕者讀之。可以識政。未仕者讀之。可以勉學。而沾丐所及。則更有資於攻文者。可由此而問龍門之津也。斯誠邑乘之極則已。原刻無藏者。翻本多豕亥相淆。而予尤病其失作者本色。嘗從事校讐。欲復先生之舊。近得張子萊峯所藏善本。與他刻相參。爰正其訛謬。闕其所疑。而又以素所管窺者。妄加評點。而畧註之。自知謙劣。不足測斯志之妙遠。亦聊記予數十年讀之之功。俟後之讀斯志者。因予說而細論焉。原序二跋一。新增趙子函序一。諸家評語附序後。命次子巒錄而存諸篋。時已卯歲夏五月也。今年秋七月。明府敬齋瑪公刻先生集

方竣。卽欲續刻斯志。予重明府留意於斯。而非若予之徒好其文也。遂樂與再爲訂之。而請正於世之同好者。

乾隆二十六年辛巳九月丙申邑後學孫景烈書

康對山先生武功縣志後序

明殿元康對山著武功縣志七篇。簡而有體。質而彌文。辭直而事核。善惡並述。以寓勸懲。無虛恢。無隱避。爲實錄而近理。論者比之太史公書。夫是固記載之極軌。志乘之標則也。顧歲久漶漫。已亥難稽。乃翻刻時。復有從而點竄動移者。於虜對山之志。其非完書久矣。酉峯先生者。言輒及之。爲形歎息。適余家中故有所藏原刻善本。廼取以詳校而訂正。用還對山之舊。而七篇復成完書。更以其平日所獨心得。或參考諸史集者。爲評且註也。邑侯瑪公刻對山文集。旣竟。因續付梓。匝閱月而工告竣焉。昔王新城歷數秦中名志。獨以武功爲第一。而凡他著述家。皆莫不亟稱其美善。今且復得酉峯先生評註。俾後之讀者。咸知法焉。遠矣哉。其嘉惠之心。蓋亦曷有弗極也。至書中義法之精深。體例之微密。已具詳

先生與邑侯序中。故第爲識其顛末如此云。

乾隆二十六年歲在辛巳冬十月望後五日邑後學張洲萊峯書

新刊康對山先生武功縣志卷首

邑人孫景烈孟揚評註

長白瑪星阿景謙參訂

邑庠生

耿性直伯正

王應槐兆三

全校

孫景熙季揚

何

瑞雲卿

武功縣志原序

予嘗兩至武功。涉漆釣漳。陟雍邱。遊鳳麓。渡渭而尋太白。終南之
竒。北顧九嶷諸山。則見碧流襟帶。翠巘揖讓。珍木蔚蒼。灝光組繡。
風氣翕乎四來。龍虎儼而交應。未嘗不臨景命筆。而羨斯地之勝
也。及予訪后稷之墟。覽唐太宗之舊。問蘇子卿之允。參張橫渠之
象。誦康尙書之勳。然後知斯地之效。而對客談山。言未或忘之。夫
美稼不發。燒塉修松。不挺培塿。斯已然矣。若乃楨高而築堵。不繼。

陳烈當作
王烈陳烈
見宋史隱
逸傳王烈
字彥方太
原人
祠祀下遺
田賦當云
田賦先古
而後今

表正而式影弗端則求諸嗣有政教者焉夫后稷政之祖橫渠教
之宗官無后稷之心者皆忍夫師無橫渠之志者皆貨客如仁義
之有托即政教之咸興繁茲人物有不恒茂者乎雖然政不必皆
官識法者即可立教不必皆師見道者即可端故陳烈之政亦行
太原綿駒之歌能教齊右武功之志凡以憂夫此也志七篇地理
約而不漏建置則而有據祠祀先今而後古官師直書而勸戒自
形人物之志浩乎其無窮也君子於是乎思古於是乎徵今於是
乎開來其志已勤矣選舉崇義而黜利蓋志之良者也學者觀其
志目亦思過半矣是志也撰之者吾友康子德涵刻之者邑侯西
蜀馮玉仲則斯政教也為有歸矣正德己卯冬十一月甲寅涇野

呂柟書

武功康子作志七篇以記載武功之故緒理要會蓋粲然明備矣

波大復集
作貞

口戶大復
集作戶口
地畝由狹
而廣戶口
由寡而衆
似未可云
降本流末
廢大復集
作駸

至其覈事顯義用昭勸鑒有可述焉夫先王之政紀其山川辨其
疆域程其土宜稽其俗尚肆其采物以謹封守而察時變故書叙
九丘詩陳列國採風者具其美惡董事者正其得失務在因道財
化追俗為制以施于久遠已爾夫天下之勢其所由來亡不有漸
苟非蚤見而力救之則其勢莫可回而患成循約而治厚生而安
其始未嘗弗一致迫于風尚澆淺而德實靡波其治不可長也戶
口繁增而生利蹙薄其安不可久也可以弗慎其漸哉余覽康子
之書其地畝則由狹而廣口戶則由寡而衆賦役則由省而興財
費則由約而靡其業產則由富而貧地利則由饒而減民性則由
強而弱風俗則由厚而漓吏治則由良而奸人才則由實而虛文
教則由振而委亡弗降本流末廢正趨弊者矣嗟乎豈獨一邑然
哉由此可以例諸四方矣正德十四年己卯冬十二月五日大復

山人汝南何景明撰并書

重刻武功縣志序

昔在漢蕭相國入秦。先收圖籍。說者謂圖籍卽今中秘書。而余謂不然。三代詩書已盡付祖龍之炎。安所得中秘書而收之。秦所有圖籍。不過山川道塗之廣狹。郡國人民之增減。紀綱風俗之上下。然則今志之類耳。蕭相國汲汲于此。以輔成四百年之治。魏晉而後。皆不能及。則相國之識周也。相國所收之圖籍。竊以爲與今之志又異。古之志。非狐之直。邱明之核。不以操觚。故其文多可存者。而今之志。博雅不足。其弊俚。褒貶無當。其弊妄。甚者狂心謾舌。聚訟紛紜。倘令在漢。不足以當蕭相國之一盼。而又何收焉。明興百有餘年。人文蔚起。當弘正時。有康先生德涵爲首倡。顧獨偃蹇削籍以死。而以其華袞斧鉞之權。寄之武功之志。然則康先生之志。

極意摹對
出筆筆

卽古之良史。不是過也。康先生亡而康先生之志愈益著。評者至謂爲今郡邑志之最。而板本雖存。不無追蠶之恨。又其後百有餘年。而許侯實來。遡漆水循雍原。弔康先生之里。而首求康先生之志。慨然表章之。然則許侯之刻康先生之志。卽古之良相。又不是過也。夫今天下有一統志。諸省有通志。諸郡邑亦各有志。作述代興。莫不家董狐而人左氏。而歷世未久。銷亡幾盡。顧安得爲志者。皆如康先生。今天下之縮綬而稱長吏。送往事。屈緇塵。絡繹其遷者。侈稱潁川。其謫者咨嗟卽墨。而核其圖籍。百不舉一。顧安得爲郡邑者。皆如許侯。以是采之太史。上之相國。于以觀其山川道塗之廣狹。稽其郡國人民之增減。攷其紀綱風俗之上下。以襄成聖天子之治。比隆炎漢。而後知康先生。與許侯兩人相遇不虛耳。余不敏。竊慕康先生久矣。而又與康先生之孫禹民萬民友善。因

得論著其意以示後之讀康先生之志者。整屋趙
嶺撰諸家評語

胡可泉序甘肅志曰今之州郡古國也。今之志古史也。而可他擬乎。况編年乎。而何以訓乎。觀康太史志武功。童太史志沔陽。猶存史體可放也。

邑令相蓮石邦教曰七篇文簡而明。事覈而要。且其義昭勸鑒。尤嚴而公。鄉國之史莫良於此志矣。

王阮亭蠶尾集新城縣新誌序云。以予所聞見前明郡邑之誌。不啻充棟。而文簡事覈。訓詞爾雅。無如康對山誌武功。其他若王漢陂誌鄠。呂涇野誌高陵。韓五泉誌朝邑。喬三石誌耀。胡可泉誌秦。趙浚谷誌平涼。孫立亭誌富平。汪來誌北地。劉九經誌郿。張光孝誌華。其地率秦地。其人率秦人也。故予嘗謂前明郡縣之誌無愈

秦者。以其猶有黃圖決錄之遺焉。

阮亭又曰近世志書能文簡事覈。訓詞爾雅。無如康對山之武功志。次則王漢陂之鄠志。呂涇野之高陵志。韓五泉之朝邑志。喬三石之耀志。胡可泉之秦志。趙浚谷之平涼志。孫立亭之富平志。張光孝之華志。皆比美於對山者。

阮亭跋朝邑誌云韓五泉朝邑誌與康對山武功誌並稱先輩。稱為巨麗。

阮亭池北偶談云康德涵武功官師志學柳子厚先友記柳作獨孤申叔墓碣。末載其友十三人姓氏。與先友記同一奇格。

宋牧仲題對山武功志卷尾詩有簡潔居然並馬班之句。桂林陳榕門云對山武功志文簡事核。凡所紀載悉關國計民生。人心風俗。確乎可傳。可為志乘之極則。

武功縣志目錄
 卷之一
 地理第一
 建置第二
 祠祀第三
 卷之二
 田賦第四
 官師第五
 卷之三
 人物第六
 選舉第七

武功縣志目錄 澣西山人康海撰次

卷之一

地理第一

建置第二

祠祀第三

卷之二

田賦第四

官師第五

卷之三

人物第六

選舉第七

夫志者記也。記其地理風俗人物之事也。武功志余先君子長公

筆墨簡古
一開卷卽
知其爲史
漢之精華
也

蓋嘗述之。然縣官掌故弗嚴人匿之矣。余於是卒成先人之志。畧序撰之。凡山川城郭。與風俗推移。皆地理所具。作地理第一。官署學校。及諸有司所興行。皆建置之事。作建置第二。治民人者。先其神。故祠祀興焉。作祠祀第三。有田則有賦。有身則有役。田賦之政。國所重焉。作田賦第四。疆域人民。非官不守。禮樂教化。非官不行。作官師第五。文獻之事。邦邑所先。以稽古昔。以啟後賢。作人物第六。科貢制行。士錄以興。作選舉第七。凡七篇。

武功縣志卷之一

地理志第一

夫武功古有獫狁之國也。有獫狁有女曰姜原。爲帝嚳元妃。生弃。教民稼穡有功。堯封于獫狁。號曰后稷。后稷卒。子不窋嗣。不窋末年。夏后氏政衰。去稷不務。乃奔于戎狄之間。周興。爲岐豐之域。平王東遷。賜豐鎬于秦。獫狁遂爲秦邑。至始皇列天下爲郡縣。以獫狁爲榮。漢改武功縣。隸右扶風。去古獫狁二十里。王莽曰新光。東漢復徙古獫狁城。魏置爲武功郡。領美陽縣。晉改屬始平郡。後魏復爲武功郡。周改雍州。武帝建德三年。復置武功郡。治郿城。已而復爲縣。隋改隸京兆郡。唐武德三年。改置稷州。以武功好時。蓋屋。郿。鳳泉。隸之。尋又析始平置扶風縣。四年。以岐州圍川隸之。七年。又以隸岐州。貞觀元年。隸雍州。天授二年。又置稷州。領武功。文明元年。析以

文明在天
授前

叙數千年沿革簡淨
詳明筆筆
有法極爲
疎古

張良弼卽
張思道時
陝西州郡
皆李思齊
張思道所
據

奉乾陵。乾寧二年。以奉天置乾州。領好時。武功。盤屋。醴泉。而屬京兆府。後唐同光中。隸鳳翔。長興元年。復立京兆。而以武功隸焉。後晉置武功郡。後周復改爲縣。宋隸永興軍路京兆府。政和八年。同醴泉移隸醴州。金改武亭縣。元復爲武功。隸乾州。明興因之。而通屬西安府。廣四十五里。袤五十里。東與平。東南鄠。南盤屋。西南郿。西扶風。西北麟遊。北乾州。東北醴泉。城圍三里二百三十步。半附雍原之麓。元末張良弼。李思齊。增築以據守者。循原又列十有二城。洪武九年。長興侯弟都督忠。奉詔屯戍于此。以控制關內。復增築之。諸城皆至今存。舊志云。雍州之域。井鬼之次。有平原。控其東。鳳岡翼其西。長川帶其北。終南太白。揖其南。蓋古形勝之區。強武之國也。治凡十五里。里名見建置志社學下

有釐氏國。說文炎帝後姜姓所封。釐音台。不窳。括地志。不窳故城在慶州。列化縣南三里。窳諄入聲。

天下爲郡縣。屬內史。以釐爲榮。後漢地理志。郿亭。註曰。秦是榮縣。後省。漢改武功縣。元和志。武功。秦孝公時置。柳子厚云。秦作四十一縣。郿。美陽。武功。各異。隸右扶風。按前漢地理志。右扶風有漆。釐。新光。按後漢郡國志。永徙古釐城。寰宇記。東漢省釐。於古魏置武功郡。按魏武功縣屬扶風郡。後魏扶風郡領縣五。釐。寰宇記。後魏移美陽於故郿城中。周改雍州。築武功郡。諸城置軍人。復置武功郡。按隋書。周置武功郡。廢。復爲縣。寰宇記。周省武功郡。別圍川。見地理志。翻本。隸岐州。唐書云。以置稷州。唐書。天授二年。置稷州。作國川。誤。隸岐州。唐書。天授二年。州廢。金改武亭。金志。以顯宗諱。長興侯。名炳。更武功。爲武亭。

舊志有山原七。川六。太乙山屬盤屋。太白武功兩山。與表谷水屬郿。五丈原屬岐。三時原屬扶風。故俱不復載。載其今有者。東原在縣東。其南與雍原相直。或曰。通西原。皆謂雍原云。雍原卽縣西原。城所附者。古周原也。鳳岡者。原北行岡也。

詩小雅吉日漆沮之從此漆在涇之東即禹貢之漆也與古公自土沮漆之漆在幽地者別漁仲謂由富平入渭蓋指禹貢之漆耳括地志漆水源山普潤東南岐漆山漆溪說雖未確筆意自佳讀者學其可也

武亭川縣川也其南十二里古川口蓋漆水川也

通鑑武亭川註川在漆渭交合處

漆水縣東門外水今謬為武水者也自幽岐之間來縣北受洛水南受漳水入渭鄭漁仲序地理畧謂天下如指諸掌而信漆由富平入渭之說蓋括地志未審幽岐涇渭脉絡所在富平在涇東漆在涇西安有岐梁之水越涇而東再至富平始入渭也漁仲誤且如此況其餘乎詩曰自土沮漆漢書曰釐在漆縣今部與釐封里有漆村是也

按縣漆水源出舊普潤縣西青青山下經麟遊合岐杜諸水下好時至黃家堡入縣界漁仲名樵莆田人宋迪功即學者稱夾漆先生著通志前漢地理志漆沮水在縣西

浴水乾州西夾道水也亦從幽西梁山來意此或即沮水關西人讀浴若于于沮固易訛爾漁仲亦以東自富平入渭殊誤

韋水源出岐山韋谷

按乾州西夾道水名莫欲訛云沐浴莫谷水出永壽麻亭嶺經乾州西南三十里行夾谷中至董鬼村入縣界

漳水即圍川水自扶風東門外受鳳泉水至縣南從漆水入渭

建子溝在縣南十七里近慶善宮

唐太宗懸弧地

美陽故城在縣西原八里後漸徙鳳泉東則今扶風境內也

古釐城在縣南八里漆村東古有釐氏之國也今縣西南三十里

亦有釐城者前漢徙置之爾

史記正義曰故雍縣南七里故釐城一名武功縣又曰故釐城在雍武功西南二十二里

高泉宮在古美陽城秦宣太后宮也

宣太后秦昭王母

慶善宮在川口東南今没于渭唐高祖故宅武德六年改名慶善宮太宗所生宅也貞觀六年幸之宴從臣賞賜閭里同漢沛宛帝

按唐書高祖武德四年幸稷州如武功慶善宮

景逐一作日逐螭一作作槐元黃一作儲時一作禾穎一作呂才清平一作人他本踏作一作培亡作巴一作角作解俱一作訛麕一作兕鳴驚當一作作鴻驚一作冬狩及再一作幸慶善宮一作二詩似宜一作與前貞觀一作六年詩一一作體書

球別本作一作疑即偃師一作求誤偃伯一作慈德寺今一作在城南立一作節村

歡甚賦詩曰壽邱唯舊跡豐邑乃前基。粵予承累聖懸弧亦在茲。
弱齡逢運改提劍鬱匡時。指麾八荒定懷柔萬國夷。梯山咸入款。
駕海亦來思。單于陪武帳。景逐衛文螭。端辰朝四岳。無為任百司。
霜節明秋景。輕冰結水湄。元黃遍原隰。儲時積京坻。共樂還譙燕。
歡此大風詩。起居郎呂才被之管絃。為功成慶善樂名九功之舞。
十一年冬獵于武功。賦冬狩詩曰。烈烈寒風起。慘慘飛雲浮。霜濃
苑。玉勒騁平疇。旌旗四望合。置網一面求。楚路爭麋殫。秦亡角鹿
愁。獸忙投密樹。鳴鶩起沙洲。騎歛原塵靜。戈迴嶺日收。心悲洛水
逸。意在渭濱遊。禽荒因再幸。慶善宮上更賦詩曰。禽愁昔叢。况茲
非所樂。撫轡更招憂。承睿德。懷舊感深衷。積善忻餘慶。暢武悅成
功。垂衣天下治。端拱
車書同。白水巡前跡。丹陵幸舊宮。列筵歡故老。高宴聚新豐。駐蹕
撫田畷。廻輿訪牧童。瑞氣縈丹闕。祥烟散碧空。孤嶼含霜白。遙山
帶日紅。於焉歡擊筑。聊以詠南風。帝又有過武功
舊宅詩二篇。許敬宗上官儀應制奉和焉。今悉著于篇。可以觀見
當時之盛云。帝詩其二。新豐停翠輦。譙邑駐鳴笳。圍荒一徑斷。臺
古半階斜。前池消舊水。昔樹發今花。一朝辭此地。四

海遂成家。其二金輿巡白水。玉輦駐新豐。紐落藤披架。花殘菊破
叢。庭鋪荒草蔓。流竭半池空。似佩蘭凋徑。舒珪葉剪桐。昔地一藩
內。今宅九圍中。架海波澄鏡。韜戈器反農。八表同文軌。無勞歌大
風。敬宗詩。飛雲臨紫極。出震表青光。自爾家寰海。今茲反帝鄉。情
深感代國。樂甚宴譙方。白水浮佳氣。黃星聚太常。參鳳鳴層閣。鄩
雀賀雕梁。桂山猶總翠。蘅薄尚流芳。攀鱗有遺皓。沐德忝稱觴。儀
詩。石關清晚夏。旋輿御早秋。神麾颺珠雨。仙吹響飛流。沛水祥雲
泛。宛郊瑞氣浮。大風凝漢筑。叢烟入舜球。翠梧臨鳳邸。滋蘭帶鶴
洲。偃伯歌元化。扈蹕頌王遊。宮後又改為慈德寺。史逸其年。今竇
遺簪謬詔獎。珥筆荷恩休。

村北仍有寺名慈德。蓋沒而遷者也。
爨亭在縣西南三十里。漢地理志載亭長事者也。東漢徙縣古爨
城而以為亭也。今屬扶風縣。

後漢王純字少林。除郿令。到官至爨亭。亭長曰。亭有鬼。不可宿
也。純入亭止宿。夜中有女子稱冤。明旦召游徼詰問。伏辜。見獨
行傳。

高望亭在縣東二十五里。唐天后武氏行宮。世說中宗築以望乾
陵者。

一清字應
寧雲南安
寧州人

寬字原博
長洲人
道學碑無
學字

歲字下碑
無矣字上
句孟子下
有矣字

綠野書院
非綠野亭
故址也

以事委之
學通事字
上碑有其
字

說學校科
第不相背
極精切
續其故翼
碑作革其
故習
此段更切
要可為關
學指南

綠野亭今在縣南郭東外。為宋儒張子厚寓所。張子與武功簿
張山甫厚。故武功弟子。因從子厚遊。亭此講學焉。弘治八年冬。戶
部尚書沁水李瀚時。以御史巡按至。諸生以白御史。御史廼謀于
提學副使。今少傅吏部尚書楊公一清。楊公以知縣學通有良治。
能用其民。一以責學通。踰年乃成。改曰綠野書院。擇師授徒。文教
彬彬然。勃然興焉。書院前為堂。祠祭子厚。而後建講堂學舍。故禮
部尚書吳文定公寬有碑。碑曰。關中有大儒。曰橫渠張先生。當宋
孟子比。夫自堯舜至于孔子。率五百歲而道一傳。孔子沒而道無
所屬。此孟子之自叙。而其自任之意。亦可見也。至昌黎韓氏。以軻
之死。不得其傳。則直歸之孟子。然至其時。已千歲矣。所謂以其數
則過矣者。而秦漢以下。儒者亦多。而曰不得其傳。則孟子豈易比
哉。自唐至于宋。又五百歲。始得濂溪周子。河南程子。先生實並時
而出。而君子獨以先生比之。孟子雖程子亦推稱之。則其人品之
高。豈非振古豪傑之士哉。故當是時。學者爭師宗之。人至于今。過
其地。仰其人。肅然起敬。不能自已。武功為西安屬縣。城南有綠野
亭。先生之遺跡也。蓋先生少時。學尚未醇。及至洛中。見程子論易。
自以為弗及。乃遂西還。以與學者講究。後既出仕於朝。他日治獄

外郡而還。即移疾屏居南山下。以事著書。蓋史之所記大畧如此。
綠野之跡。豈其西還與屏居之時乎。陝西提刑按察司副使楊君
應寧。由近臣出領學政。公勤善教。士子經指授者。輒取科第。君曰。
此非所以教學者也。嘗行縣。顧瞻山水。明麗可愛。所謂綠野亭者。
歲久既毀。而遺址猶存。先賢風旨。宛然如見。始謀即其地。構屋以
祠。先生別為屋。俾士子講習其中。庶幾仰止景行之意。諸生聞之。
相與感激。言于巡按御史李君叔淵。叔淵雅重風教。乃下其事于
君。君以縣令宋學通嘗復古廢祠。亦知急先務者。復以事委之。學
通方經度財用。而邦人士咸樂相助。數月而功畢。名之曰綠野書
院。擇士子充于其中。而以縣學訓導趙文傑為之師。俾日講性理
之學。凡縣學諸生。則三日一至聽講。其規約大率與白鹿。唯陽類
未幾。若西安鳳翔諸生。聞風就學者。踵至。君時坐堂上。躬督勸之。
灑灑乎道學之流行也。君既喜其志之成。間以書請記。夫養士于
學校。取士于科第。此固朝廷今日之法。然學校之所講。習者。皆經
傳之精微。欲用其人。特以科第取之耳。為士者。昧其意。以聖賢之
言。止用以資為利祿之計。而不知道與法之不相背也。今幸賢憲
臣有見於此。續其故翼。特為此舉。以作興之。學政之大。無踰於此。
其用心。可謂至矣。使今之領學政者。皆如君之用心。風教其不變
也乎。雖然。聖賢之言。學者於此。無弗當講者。而橫渠先生。尤吾今
日臯比之師也。其書則正蒙西銘。具在。因其言。求其心。反之於躬。
見之於事。而又謹其節文。循其以禮為教之規。拔于流俗。為世醇
儒。此固賢憲臣所望于士子者也。于是取科第。出為世用。以行其
所學。賢憲臣之意。亦豈為士子禁哉。書院建于弘治。今去改建才
九年六月。工畢。于是年十二月。明年十月。癸未記。

茲邦君子
謂對山也

天寶十四
載安祿山
反於漁陽

二十三年矣。其廢壞已十四五。况久遠乎。綠野亭。故在漢義勇武安王廟後。稍北原。尸下有古洞。成化末。猶傳有石刻亭記。居民惡其害已也。乃投其石于井中。宋侯欲去狹隘。且厭與細民爭校。故移之于此。此故葆真庵。宋侯易民田。恢闊爾。何若仍置諸尸下。為

實錄近理也。

縣學訓導趙文傑詩。城南步百路西村。四五常開小洞門。綠野有名亭已沒。荒碑少字石猶存。經霜栢老

乾坤影。遶帶河流。今古痕。仰止橫渠。尋未得。日中立馬。到黃昏。正德壬申。翰林院修撰高陵呂柟。於綠野書院。謁橫渠先生祠。堂詩二月入武功。載謁橫渠祠。春桃雜芳潤。好鳥鳴天枝。綠野終南翠。含情實在茲。昂求會夙夜。人亡道未涯。徹臯下程氏。執禮西仲尼。表時脫支蔓。訂頑那有私。瞻依真氣象。無復夢中疑。茲邦有君子。跡殊路不岐。豪邁存餘烈。高懷有我知。鵬飛要扶搖。鯤化自天池。斯文應不斬。白日今見之。

岸高也。尸顏入聲。

韋應物宅。應物長安人。漁陽兵亂後。流落失職。始更折節讀書。屏居于武功。然莫知何里。其經武功舊宅。詩云。茲邑昔所遊。嘉會常在目。歷載俄二九。始

往今來復。感感居人少。茫茫野田綠。風雨經舊墟。毀垣迷往躅。門臨川流駛。樹有羈雌宿。多累恒悲往。長年覺時速。欲去中復留。徘徊結心曲。

姜原墓。舊志云。在上南門外。南去三百六十步。又西四十步。有三坎墓在坎上。與東原梅家庄直。

隋煬帝墓。在縣西原。武德五年八月辛亥。唐高祖葬帝于此。

按煬帝本紀。將軍陳稜葬帝於吳公臺下。唐平江南之後。改葬雷塘。唐高祖本紀。武德五年八月辛亥。葬隋煬帝。唐地理志。武功西原。煬帝所葬。殤。帝無考。煬殤字相似。易訛。

蘇武墓。在縣北。

蘇許公墓。在縣西南博村。其神道碑在新寨西道南。

石墨鐫華碑。隸書。剝蝕過半。書法猶有漢魏遺意。金石畧云。盧藏用書。而金石錄云。藏用撰書。文苑英華。藏用撰序。張說撰銘。

游師雄墓。在縣西北八里。碑為耕者沒之地。華表存焉。

按歷代石刻師雄墓志。邵翫書。石墨鐫華云。志張舜民撰。

許公名瑗

東漢地理志曰。棗在漆縣。其民有會日中。以相與夜中市。如不為。則有災咎。故志曰。風俗剛勁。不事華侈。務學力農。有古人之風。漢志亦曰。好稼穡。務本業。有先王遺風。然風俗與時推移。繫諸習尚。自予所聞見。今已數變矣。其可以定論哉。成化時。人重使氣。不肯順理。豪桀者。至於把持治吏。鄉人皆相推畏。高之。或至武斷於鄉。今卽有冤者。不敢正目下吏矣。弘治時。習侈善饗。無豐儉之節。日擊鼓聚會。靡有厭飫。少年得分銀尺布。則弗計蔬饌。置酒彈絃。不避長老。時節遊行。男女率冶容祆服。佔佔自見。或又好爽快。為賢多言習禮。送死奢靡。擬諸王侯。壻莫婦翁。至於傾產。蓋承平之久。法制明白。貪官污吏。毋所肆意。百姓富庶。靡有他慮。要之天下皆然。不獨此也。今或不能供賦役。葺田廬矣。然人事日趣。諸簡約。斯亦反古之漸也。

自剛而柔
自奢而儉
隨叙隨斷
波趣橫生

結語精筆
亦有力量

祆與禡同俗作妖佔
店平聲佔佔輕薄也

建置志第二

縣署在城西北。北抵城。西抵后稷廟。下原麓。東抵文廟。洪武初。知縣祀重建倉二。俱在署內原麓下。草場一。在城隍廟西。圍一百步唐

有柳子厚縣丞廳壁記。殷頌曰。邦畿千里。周制千里之內。曰甸服。穀梁謂之。寰內諸侯。為王內臣。其制甚重。

今京兆府理京師。部二十有三縣。幅員之廣。其猶古也。縣吏之長。曰令。曰丞。丞之位。正八品下。蓋丞。述六職。以輔其令也。秦漢有丞相。今尚書有左右丞。御史中丞。至于九卿之列。亦皆有丞。下以達天下之縣。政有大小。其旨同也。武功為甸內大縣。按其圖。古后稷封有郃之地。秦作四十一縣。郃美陽武功各異。至是合焉。蓋嘗為穰州。已而復縣。其土疆沃美。高厚有邱陵。墳衍之大。其植物豐暢。茂遂有秬秠藿菽之宜。其人善樹藝。其俗有禮讓。宜乎其大雅之遺烈焉。貞元之十五年。改邑于南里。既成新城。凡官署舊記。壁壞文逸。而未克繼之者。後三年。而穎川陳南仲。居是官。邑人宜之。號為簡靖。因其族子存。持地圖以來。謁余為記。夫以武功疆理之大。人徒之多。而陳生以簡靖輔其理。斯固難矣。漢高帝嘗詔天下。凡以戰得爵七大夫。公乘以上。令丞與抗禮。故為吏益難。今天子崇武念功。與漢初相類。分禁旅以守縣道。武功為多。陳生為丞。於是而又職盜賊。其為理無敗事。吾庸可以度哉。為之記云。宋有

今縣南二里許地名南里城

他本七作士誤

游靖重修縣廳碑。大觀四年夏六月。汝陽劉侯幹。以承事即來宰

責。整案牒。決訟獄。事無巨細。靡不究心。明年改元。政和。治行稍著。

士樂教養。農勤田畝。強悍者屏息。良善者安處。老有養。疾有醫。官

無調發。民無積逋。闔境歡戴。政益閒暇。一日侯謂同僚曰。有官守

者。常樂因循。而憚改作。事漏弗填。忽傾弗支。期以代去。自為得計。

其或好遊觀。務將迎。起臺榭。陂池之役。倚勢作威。因緣為奸。至於

公宇之敝。往往引嫌。而不加意。是誠何心哉。及其屋壞垣頽。蒼皇

失措。又負偃植。疲民蠹財。不可勝計。如是則公府奚賴。予待罪於

此。既喜民之易治。又喜前人之用心。顧瞻庭宇。華屋在前。金碧輝

映。乃開封高士徹所建。手詔亭也。堂皇在後。規摹簡約。乃藍谿呂

義山所新。正寢也。淮陽錢秉創。鑒堂。大梁李宗作。清心堂。河南

趙茂曾增。修錢庫。及居養院。陽翟孟通。廣闢庾舍。內外完葺。煥然

一新。唯令廳。湫隘敝陋。殆不堪處。驗其故記。實天聖中。種公世衡

改造。迄今八十餘年。侯復嘆曰。不廢不興。不敝不新。舍此而不事

不惟有愧於前人之用心。亦何異夫樂因循。而憚改作者邪。矧是

廳也。頌詔出令。承流宣化之所。臨制劇邑。絡繹兩川。喉襟數路。正

當四達之衝。亦必有以稱矣。於是慮材鳩傭。徹去棟楹。梁桷之折

撓。與夫葺瓦級。磚之缺者。躬自經營。悅使有術。人不以為勞。增廣

制度。壯偉闕耀。人下瞻仰。咨嗟始知公府之嚴。令尹之尊也。如是。嗚呼。

鑿字上下
疑有缺字
堂字下似
不宜空

通篇雅飭
故傳

徙他本作
徒作復俱
誤

祀即嚴祀
俊即曹俊

他本錯訛
者依原碑
改正

懼當作瞿

其家者也。則斯文之作。豈特記新廳之歲月。揚厲侯之盛美。又得
發明名邑之因。以召後人。故係之以詞。其詞曰。太白呼噪。作鎮坤
靈。武功山連。亘古長青。堯封后稷。周賜秦嬴。作邑於此。因山命名。
漢自渭南。徙古郃城。宇文造周。易治中亭。中亭之川。原隰砥平。唐
為稷州。作輔陪京。復隸天府。邑是以寧。鳳岡西拱。武水南傾。人尚
禮遜。俗務農耕。神堯誕聖。瓌題騰聲。姚合發詠。柳子詳評。我侯臨
蒞。訟簡刑清。民無調發。兵無戰征。匪植其私。匪僥其榮。克紹祖德。
允協民情。恢廣制度。新于其廳。廳非侈已。乃尊朝廷。吏振其職。民
樂其成。載瞻載仰。政治惟馨。敢告來者。無忘經營。

儒學在縣署東北抵城東西皆抵民廬而獨堂西七丈許抵北街

洪武初知縣祀建正統時知縣俊重修宋有縣令趙茂會碑。士志

者。常患乎不得遂其學。得遂其學者。常患乎不得信其志。遂其學

矣。時能信之。則君子以為榮。遇焉。此武功縣學之興。而銘序之所

以作也。建中靖國元年夏四月。知京兆府孫公覽奏。以壽春縣令

趙茂會知武功事。秋八月。公去。崇寧元年春三月。茂會始來。是秋

貢士。府十四縣懸格。所取武功居多。皆嘆息其遺者。尤眾。既冬。邑
人相謂曰。哉盜賊。撫良善。政令之所在也。孝弟嫻睦。以考其行。絃
誦講習。以和其心。性命道德。以進其學。實士人之所望焉。乃謀葺
孔子廟。聚生徒。而淺陋不可居。十二月。有詔。建州學。縣學。養士之
法。同僚相語。以州縣吏雖尊。賤有次。其申明孝弟。孰後先邪。茂會
懼然。以興曰。疇敢不祗若王之休命。明年春。訪隙地。稟於府。願易

文簡勁可式

筆墨輕清可愛

昌即孫昌

參政守也副使巡也

廟西樓店基為學舍。知府事虞公策從之。徹木於淫祠。經費于計臺。轉運副使許公天啟可所請。即日給官錢五十四萬。資其用。度於是築新基。南向為麗澤堂。左右前廡。玦布八齋。名之以道德。皆新作也。其東宣聖殿。小學職掌之位。庖厨祭器。隸者所直。舊舍足焉。補缺益卑。與新允稱。總五十楹。基長二十有五尋。廣十有二尋。餘六尺。經始於二月乙丑。落成於三月癸巳。嗚呼。學校為事。必與於聖人極盛之時。三代可監也。蓋備所養以期所用。今吾君待天下之士厚矣。天下之士宜思所以副之。茂會何人。獲宣聖化。且得効犬馬之力於其間。為遇為榮。罔可言計。謹拜稽首。叙事勒銘。著之金石。以告學者。銘曰。夏后庠序。商邦瞽宗。周王類宮。申之孝弟。漸摩仁義。各殊迹同。明明我主。超三邁五。人材是隆。民有藝則。好是懿德。合由以容。家黨術國。塾庠序學。慨然聿崇。遞升次舉。匪私是與。允期於公。咨爾有眾。學以致用。勿尸厥中。入孝出弟。居仁由義。敏則有功。以副盛時。允能庶幾。三代之風。據碑。則今之縣署乃學。不知何時改易之。豈金元兵燹之餘。草昧之際。縣廢而學存。治事者姑且居之。乃其後竟因而不返。與正德八年。知縣劉紹重建明倫堂。十三年。御史張文明行縣。以廟學頽敝。命知縣昌修理。更以渭源度頭抽分益之。昌憂去。明年。御史張欽行縣。見其益敝。乃與守巡參政畢昭副使楊鳳謀通借咸陽行笈抽稅屬

同知趙錦監抽會都御史鄭陽檄至嘉啟厥工。提學副使何景明知府劉祥。又通責諸知縣瑋。茲方集工舉事未已云。倉一在堂西南。

稅課局正德二年罷。

郃城驛在城東南。洪武初。知縣祀建驛倉。即堂左右。廡驛草場在驛東南城隅。

長寧驛在縣東四十五里。俗曰東扶風鎮軍站也。成化中。移置清

水石嘴。

按對山集驛改置清水。而其卒徒皆徙自扶風。

陰陽學在縣門外。今廢為縣獄。

醫學在大十字東。舊有地三間。今存其半。俱知縣祀所建。

僧會司在報本寺。

道會司在鴻禧觀。

申明亭在縣門外。與旌善亭同處。舊志言遊鳳有古旌善亭。又有古倉在社學之西。

諸行署布政司在宣化街。按察司在縣署西。東面。府署在縣南。北

面。長寧分司即古長寧驛也。做則與興平縣合力修之。禮部侍郎

河東薛文河公瑄過武功書按察分司廳壁持節西來過武功扶桑日上曉

尤紅渭河水遠波聲小。太白山高樹影重。遺址已無慈德寺。居人

猶說有縈封。東行無限前朝事。盡在紅塵綠野中。都御史柳陽曹

璉次韻后稷封。黍萬世功。登臨偏感夕陽紅。風生武水波千尺。雲

鎖香山樹幾重。唐宅基湮青草合。許公碑古碧苔封。行人欲問當

年事。都在漁樵晚笛中。侍郎南陽張周幹次韻。南有名山號武功

渭河水浸曉霞紅。煙迷隋塚高千尺。雲鎖郿封厚幾重。比屋詩書

多巨室。滿城桃李總花封。太宗唐主曾生此。猶說遺踪在寺中。都

御史淳安方漢次韻。誰向茲原啟聖功。周人王業伴殘紅。猶瞻王

氣千年迥。誰道名山萬里重。慶善有宮留佛住。姜嫄無廟任雲封。

連城舊跡知多少。都入荆榛瓦礫中。知縣宋學通次韻。公暇循阡

遍武功。滿川春雨落花紅。泉通玉井三千丈。雲鎖連城十二重。郿

道遺亭書綠野。姜嫄荒塚倚郿封。大

唐天子讀書處。遺跡猶存上閣中。

里置一學。設一師。聚童子而授。以小學。年十五。選入綠野書院。

坊廂里在布政分司之西。俱得里在王宅村。遊鳳里在遊鳳集。奉

安里在奉安村。韓店里在可曾鋪。西馬午里在故長寧驛。西興城

里在焦上村。顯義里在燒香臺。渭源里在東渭源村。會同里在鄭

村。永豐里在張捕村。永安里在南姚安村。郿封里在高村。姚安里

在鏡照村。演武教場在東郭門北外。養濟院在郿城驛西。漏澤園在東郭門南外。市集在縣方內者三。而縣不論最大者。長寧集。月無間日。遊鳳集。

淡語亦佳。筆妙故也。

普濟集以日相遞而已。

祠祀志第三

文辭鄙兀者不載此著述要言

史記封禪書周興而邑部立后稷之祠至令並食天下

文廟在縣署東。宋知武功趙茂曾建。元世祖十五年。至元戊寅。縣令王君營復之。尋擢行臺掾去。長安杜淵繼為令。力成其役。宋有大觀聖作之碑。天下皆有刻。茲不載。元有李昂碑。洪武初。知縣祀更建。正統中。知縣俊加葺治焉。有訓導曲新碑。二碑文辭鄙兀。俱不載。

社稷壇在北郭門外。

厲壇在小北門外。

城隍廟在東門內。成化時。知縣璫重修。正德初。知縣鍾仁嗣修焉。

姜原廟。長安志。在城外西南原麓間。傍有后稷廟。今俱亡矣。今后

稷祠在城內西上。故寶意寺址也。弘治丙辰。知縣學通改建。祠後

又作姜原祠。

修撰呂柟登謁后稷祠詩。夫子天下烈。播穀廣炎皇。苴茅當茲土。種德邈無疆。有口咸食力。罔極齊穹蒼。

二月武功曲。鸚鳴柳半黃。星言拜古祠。陟山雲中翔。煙川睇春縣。覽極獨慘愴。風塵翳寰宇。羸黎裂予腸。緬惟躬稼澤。誰可使均穰。

唐高祖祠在鳳岡之巔。前則太白行祠也。太白蓋封內故山。漢永

平八年。建祠于此。洪武丙辰。都督耿忠以縣有高祖故宅。故祠高

祖于太白廟堂之後。而別自為太白祠記。

洪武九年春。予欽承上命。領兵來戍陝右。操練

此記有對山點竄處亦著述家所宜知也

屯田。以為邊備。東自臨潼。棧陽。高陵。涇陽。三原。醴泉。與平乾。州。武功。西抵鳳翔。岐山。扶風。南至郿縣。盩厔。等處。悉致屯所。農作既興。厄於亢陽。種未得下。遠近咸以為憂。詢諸故老。皆曰。西南太白乃本邑之名山。上有湫池。歲旱則奉迎。是為水。每禱輒應。粵以四月中。旬。擇日齋戒。躬致祝辭。遣僧覺用等。齎香帛。祝文詣山頂。投辭請水。既至。率官僚吏卒。暨郡民數千人。備鼓吹。郊迎。展祭于武功。太白之神祠。是夕。大雨霽。三日乃止。遠近罔不周沃。及六月。又早。禱請如前。復獲霑足。秋八月。禾將垂實。旱甚。復請禱之。大雨隨至。變枯槁為欣榮。易呻吟為歌嘯。感神之賜甚渥也。越明年丁巳。夏四月。六月。俱旱。復奉迎。請禱如前。歲之儀。而亦兩蒙靈貺。雨皆尺餘。關輔之中。軍民鼓舞。二歲之間。凡五禱於神。其感應前後一如影響。百穀咸成。年歲豐登。靈貺駢臻。曷伸報答。先是鳳岡。前後有神之行祠。歲代綿遠。廟貌傾損。門廡廢闕。乃命工匠。士卒補完。而增修之。圖繪兩壁。粧塑神像。煥然一新。又令人於武功故城。得

錄異記金星之精陸于終南圭峯西因號太白山其精化為白石狀如美玉唐志郿縣有太白山諺云武功太白去天三百

致他本作治矣

神之碑誌於遺廟之側。具載太自古今顯靈之跡。并歷代加封。徽號。蓋自唐元宗天寶中。勅建廟貌。封神應公。宋仁宗嘉祐初。封濟民侯。七年。改封明應公。神宗熙寧八年。進封神應王。其所以衛國而廟享。人以誠感。神以靈佑。國此幽明自然之理也。今以神前而靈感。顯應之跡。直書刻石。置於廟壁。庶使後之觀者。亦知所崇。敬。唐有李白登太白峯。杜甫喜達行在所詩。因并附之。李白詩。西夕陽窮登攀。太白與我語。為我開天關。願承冷風去。直出浮雲間。舉手可近月。前行若無山。一別武功去。何時復見還。杜甫詩。西憶岐陽信。無人遂却迴。眼穿當落日。心死著寒灰。霧樹行相引。蓮峯望或開。所親驚老瘦。辛苦賊中來。其二。愁思胡笳夕。淒涼漢苑春。生還今日事。問道暫時人。司隸章初覩。南陽氣已新。喜心翻倒極。嗚咽淚沾巾。其三。死去憑誰報。歸來始自憐。猶瞻太白雪。喜遇武功天。影靜千官裏。心蘇七校前。今朝漢社稷。新數中興年。

唐太宗祠在北郭內。鴻禧觀三清殿。後宋元祐戊辰。直龍圖閣游師雄建。有趙茂曾碑。粵有大寶。聖人守焉。上惟軒義。傳記罔悉。道而幽厲。廢之侯國。蜂聚。七雄蟻爭。以啗祖龍。而二世亡之。漢乘秦虐。俯首以取。權操與備。因漢弱而攘裂。晉則虛誕不枝。而宋齊梁陳。潰墊於。正統陸絕。有唐階暴。隋以興。僖昭寢衰。五代竊據。天開地泰。乃歸於有宋之真人焉。顧若相因。迭為興廢者。得明主

賢臣可取法。有暴君汚吏。足為戒。皆所以資我聖。豈為承承無窮。太平之治具也。然歷觀前史。惟其有甚。勞亂之患。然後生大英傑。之君。故必能措海宇於昇平。拯黎庶於塗炭。則漢之高祖。唐之太宗。其倫乎。按唐記。太宗文皇帝。以隋開皇十八年十二月戊午。生於武功之別館。有二龍戲門外。三日而去。是京兆府武功縣之南。有唐慶善宮。今為慈德寺。乃其所也。北曰報本寺。神堯之舊宅焉。先是縣圖。雖載厥事。而祀秩無文。龍閣游公。慨然興嘆。率里人。即報本北隅。經始廟貌。法大壯。以建殿宇。想天日而形塑繪。左右壁間。悉圖正觀。朝臣英姿。凜然彷彿。見當時之盛。於是肅嚴致敬。有所實。元祐三年戊辰歲也。後十四載。洛陽趙茂曾。被命長邑。一日至祠下。而龍閣公弟師韓語之。故且求以記。遂諾之。曰。僕元祐末。典獄平涼。見君之伯氏為使者。愛民以道。率吏以誠。觀其激風俗。敦教化。使法令美意。下浹於田父野老之肌骨。雖古昔召父杜母。之流。莫可過者。若夫執律馭師。則折衝尊俎。笑談帷幄。豫計勝否。驗若符契。致朝廷威靈。遠震於重譯之巢穴。雖前世班超李牧之輩。無以尚矣。我思其致。今也則亡。常企慕之。恨不得述其梗概。茲幸君之及此也。昔梁州人侯栢年。以廉泉之名。誇其閭里。而史筆書之。不遺矧公。肇是祠宇。俾後世識者。以人物稱其風氣。則追遠厚俗之意。豈淺也哉。故論前世治亂之迹。見文皇帝之英傑。因記其祠之者。名字云。游公名師雄。字景叔。大宋崇寧元年。中元日。謹不知何時作觀祠前。洪武初。都督耿忠重修。而仍圖凌煙功臣二十四人于左右壁。其上各書唐史本傳。乃更刻太穆皇后傳。

此文亦有對山點竄處

及帝世系於舊刻。帝幸慶善宮詩碑陰。跋諸後曰。洪武丙辰春。忠
萬餘來關中。悉建屯戍。因駐武功。而控制之。武功實有唐太宗誕
育之地。山川孕靈。篤生賢聖。信不誣也。暇日尋訪故基。得古碑於
城南榛莽中。上刻太宗御製詩二首。乃舊立於慈德寺。而更樹於
安養堂者。碑陰載順聖皇后傳。歲代縣邈。字畫磨滅。殆不可辨。於
是感文皇之聖孝。慨盛迹之沉湮。遂命工重為勒。復置於城北。鴻
禧觀。蓋太宗遺像在焉。庶使後人益知所敬。而傳之永久云。時洪
武丁巳正月十有九日也。康長公謁祠詩。晴日生靈極。羣雄問獨
夫。八荒歸聖歷。數語見皇圖。李密終潛洛。鄒陽肯事吳。辨香陳闕
殿。想像賦懸弧。

名宦祠在縣署內儀門東外。所祀古今三十三人。

鄉賢祠在文廟戟門西外。所祀古今三十八人。

報本寺高祖別宅也。在北門外。慈德寺見慶善宮。寶意寺見后稷

祠。橫渠先生祠見綠野書院。太白行祠見高祖祠。鴻禧觀見太宗

祠。外有東嶽廟在東郭外漆水東。關王廟在南郭西外坎下。火星

廟在小北門外東北野田中。無名氏慈德寺詩昔年高祖宅今日梵王宮塔聳白雲外僧行綠樹中真

容唐列聖。墨蹟宋諸公。半日休心處。烹茶話祖風。羣應物經寶。意
上方詩翠嶺香臺出。半天萬家烟火照晴川。諸僧近住不相識。且
聽微鐘記往年。康長公寶意寺詩。傷秋入事絕。習靜入招提。掃葉
坐松下。看書忽日西。青雲雙翼歛。白髮近年齊。欲別浮生者。悠悠
向爾栖。前人同高令。登太白祠。覽李思齊故城元命歌。天紀八表
靄同昏。羣雄各自起。天眷安所存。李生效時哲。覽轡來此軍。崇墉
俯深壑。飛鳥不能伸。自謂險宜恃。寧知君欲仁。古帝發淮浦。裨將
入咸秦。一鼓事乃定。初接身已殉。冤冤夜夜哭。血風千里聞。國不
務宏遠。險阻何足云。前人書鴻禧觀戴法師壁。結髮尚茲道。半百
靡所指。因喜宮殿清。常陪隱逸士。翳言談真詮。清心詣元理。雲冥
雙鶴歸。露下繁蛩已。媿爾烟霞人。安得從圭七。康阜觀東嶽。朝賽
神鳴鑼。擊鼓天黃昏。老姆稽首如蟻蟠。板呼喊盆震地起。鬼怪曉
崎相塵吞。女兒百十擁隊出。拽朱點翠如天孫。神祇若來雲若垂。
節拍未竟新者奔。君不見豐年黍稌未彌壠。夜半科催方採門。

武功縣志卷之二

田賦志第四

洪武二十四年田凡一千八百九頃一畝六分七釐永樂十年增二十四頃二畝八分弘治十五年增二十九頃三十畝一分正德七年計一千八百六十二頃三十四畝五分七釐

戶正德七年一千九百七十有八口二萬七千四百三十有一視弘治十五年戶增二十一口增二百五十七視永樂十年戶增二百八口增九千八百五十四視洪武二十四年戶增二百九十五口增一萬四千七百四十一

民戶九百七十七軍戶九百一十九匠戶三十三名尉力士戶五厨戶一

打捕陰陽醫戶各二樂戶九賦弘治已上不論論今所賦者一萬七千二百二十七石八斗二升九合九勺一抄七撮該夏七千七百二石三斗八升三合九勺

起用一凡字中用二增字末用一計字遂成妙文

志田用順筆志戶口用逆筆三視字甚妙此對山獨得之法也

夏秋賦與總數不合

唐用租庸
調法有田
則有租有
身則有庸
有家則有
調租出穀
庸出絹調
出繒繡布
麻
當日站戶
之苦如此
却讀之慟

羯音結綿
羯謂羊之
化壯也

對山文人
也而於官
吏民情洞
悉如此文
則古趣洋
溢率其筆
性而已非
摹擬史漢
者所能到
也
只用數虛
字運化許
多物名舉
重若輕能
令極尋常
之物皆成
極雅極妙
之文此種
筆意從史

八抄七撮。秋三千五百二十五石四斗四升五合九勺三抄。綿布一千三百五十四匹二丈四尺有桑七千二百八十株。該絲綿二百三十九斤三兩五錢。課程鈔商稅九千四百貫三百文。酒課三百七十貫四百文。水磨課六百九十一貫。水磨與其戶。今亡六七十年。而課鈔猶存。乃繼徵之。其里人。人不能自備田賦庸調。又安能他及此。此積弊深遠。民由之而不知者也。

正賦之外。有驢馬牛站。五年一易。易者又五年。已又代之。五年之內。諸丁賦歲調力役事無一免焉。故站戶多至流移。豪右者或據其業為己有。不然。即張大聲勢。流移者懼。自恐弗遠。遭之也。故益抵僻壤。有終其身不能問墳墓。識田廬者矣。

丁賦有戶口食鹽鈔八萬九千三百一十六貫。貫折銀三釐。計二百六十七兩九錢四分八釐。柏子仁五十斤。貝母七斤。石膏二斤。

菖蒲五斤。瓜蔓根七斤。金銀花四斤。共折銀七兩綿羯羊十隻。十兩。又有軍器銀四兩。布價銀六兩。通計二百九十四兩九錢四分八釐。而其餘歲調不與焉。賦役之事。往予不可曉也。自所及見者。其紛紜謬亂。何可勝道。予竊傷之焉。長吏乍服官政。平居未嘗覘識民隱。一旦據案執筆。老書點算。反覆相幻。則不勝其煩懣。至有舉手以付者矣。豪民巧為規避。交倚貴重。買官鬻吏。無所不至。戶以已為昂而已。反趨低。故低者益昂。昂者益低。愚民輾轉相慕。至以為能。不如此。不可以自快也。此其儆。豈一日之漸哉。

物產五穀皆美種。而瓜果蔬菜亦嘉。木宜桑柘。榆柳椿檟。桐栢楸梓。白楊竹。藥稱芫花。小薊甘遂。地黃半夏。香附車前。益母薄荷。烏獸惟所恒畜。亦有狐兔。鸛鵲鳩隼。鶉雁燕雀。然在在有之。非特產也。地東南大宜木綿。桑故蠶織之業。廣焉。然多為細人覬覦。營利

遷偵殖傳
得來最能
醫俗讀者
宜悟入也
不解此法
落筆即為
兔園冊子
論東南蠶
織利病洞
達筆更蒼
明以前官
師人物傳
多就歷代
史書節錄
亦有點竄
舊志者非
盡對山手
筆改畧為
註之不評
論文法

文水唐書
作汶水

故其人反貧甚。至寒不得衣。繼締。諺曰：物豐于所聚，利竭于所產。豈不誠然乎。

別錄曰：芎藭生武功川谷。

官師志第五

唐韋維字文紀。進士對策高第。擢武功主簿。督役乾陵。會歲飢。維均力勸功。人不知勞。終太子右庶子。與宋之問同時。

維。安陸人。司庫員外郎。知人子。遷戶部郎中。善裁割。時員外宋之問善詩。故時稱戶部二妙。

駱賓王義烏人。七歲能賦詩。初為道王府屬。王令賓王自陳所能。不答。歷為武功主簿。裴行儉總管洮州。辟掌書。奏不應。調長安簿。

徐敬業。敗賓王亡命。不知所之。

裴行儉。字守約。聞喜人。善知人。

毛若虛。絳州太平人。眉長覆目。性殘鷙。天寶末。為武功丞。年六十

餘。肅宗還京師。擢監察御史。後又至御史中丞。有罪。貶賓化尉。死。

李愷。并州文水人。舉明經高第。授成安尉。會母喪。免。除武功尉。以

政尤異。遷主簿。累官京兆尹。祿山陷東京。蔣清害之。贈司徒。謚忠

懿。

愷。音呈。按祿山陷東京。留守李愷。坐府中。御史中丞盧奕。坐臺中。祿山使人執之。及採訪判官蔣清。皆殺之。非蔣清害愷也。

薛播。河中寶鼎人。擢進士。累授殿中侍御史。遷武功令。溫敏而裕。

與人交有常。官至禮部侍郎。卒。贈本部尚書。

張署。貞元中舉進士。傳學宏詞。為校書郎。尋為武功尉。治有政績。

擢監察御史。貞元十九年。貶郴州臨武令。尋移江陵掾。京兆府司

錄參軍。遷尚書刑部員外郎。出為虔州刺史。與韓退之同時。終河

南令。

陳南仲。潁川人。貞元十八年。為武功丞。邑人宜之。號為簡靖。

按唐書合
係元之第
三子奕會
孫

姚合 陝州硤石人。中書令元之孫也。元和中進士及第。調武功尉。

善詩。世號姚武功。遷監察御史。累轉給事中。歷陝虢觀察使。終秘

書監。合有武功縣居詩三十首。宋張及王頤為令。皆繼刻石置縣

署中。禽樓連舍。惟藤架。侵階是藥畦。更思嵇叔夜。不擬作詩題。其

二方拙天然性。為官世事疎。唯尋向山道。不寄入城書。因病方收

藥。緣食學釣魚。養身成好事。此外盡空虛。其三微官如馬足。祇是

在泥塵。到處貧隨我。終年老趁人。簿書銷眼力。杯酒耗心神。早作

歸休計。深居過此身。其四簿書多不會。薄俸亦難消。醉臥慵開眼。

閑行懶繫腰。移花兼蝶至。買石得雲饒。且自心中樂。從他笑寂寥。

其五曉鐘驚睡覺。世事便相關。小市柴薪貴。貧家砧杵閑。讀書多

旋忘。賒酒數空還。長羨劉伶輩。高眠出世間。其六性疎常愛臥。親

故笑悠悠。縱出多攜枕。因衙始裹頭。上山方覺老。過寺暫忘愁。三

考千餘日。低腰不擬休。其七客至皆相笑。詩書滿臥床。愛閑求病

假。因醉弃官方。鬢髮寒唯短。衣衫瘦漸長。自嫌多檢束。下似舊來

狂。其八一日看除目。終年損道心。山宜衝雪上。詩好帶風吟。野客

嫌知印。家人笑買琴。只都隨分過。已是錯彌深。其九隣里皆相愛。

門開數見過。秋涼送客遠。夜靜詠詩多。就架題書日。尋欄記藥窠。

到官無別事。種得滿庭莎。其十窮達天應與。人間事莫論。微官從

似客。遠縣勝村。竟日無多食。連宵不閉門。齋心調筆硯。唯寫五

十言。其十一縣僻仍牢落。遊人到便回。路當邊地去。村入郭門來。

酒戶愁偏長。詩情病不開。可曾衙小吏。恐為踏青苔。其十二自下

青山路。三年着綠衣。官卑食肉借。才短事人非。野客教長醉。高僧

勸早歸。不知何計是。免與本心違。其十三日出方能起。庭前看種

莎。吏來山鳥散。酒熟野人過。岐路荒城少。烟霞遠岫多。同官數相

除目即今
之選單

文水書

卷之三

三

卷之二

四

事晚常骨覓仙難。醉臥疑身病，貧居覺道寬。新詩久不寫，自算少人看。其二十六。漫作容身計，今知拙有餘。青衫迎驛使，白髮憶山居。道友喜蔬食，吏人嫌草書。須為長久事，歸去自耕鋤。其二十七。主印三年坐，山居百事休。焚香開勅庫，踏月上城樓。飲酒多成病，吟詩易長愁。慙慙問漁者，暫借手中鉤。其二十八。長憶青山下，深居遂性情。疊堦溪石淨，燒竹竈煙輕。點筆圖雲勢，彈琴學鳥聲。今朝知縣印，夢裏百憂生。其二十九。自知狂僻性，吏事固相疎。祇是看山立，無嫌出縣居。印朱沾墨硯，戶籍雜經書。月俸尋常請，無妨乏斗儲。其三十一。作吏無能事，為文舊著功。詩標八病外，心落百憂中。拜別登朝客，歸依鍊藥翁。不知還往內，誰與此心同。又有遊春詩十二首，皆作對時詩也。其一。正月一日後，尋春更不眠。自知還近僻，眾說過如顛。看水寧依路，登山欲到天。悠悠芳思起，多是晚風前。其二。卑官常少事，僻縣又無城。未曉衝寒起，迎春忍病行。樹枝風掉軟，菜甲土浮輕。最好林間鵲，今朝足喜聲。其三。詩酒相牽引，朝朝掉軟萊。甲土浮輕，最好林間鵲，今朝足喜聲。其四。塵中主印吏，誰遣有高情。趁暖簷前坐，尋芳樹底行。土融凝墅色，冰敗滿池聲。漸覺春相泥，朝來睡不輕。其五。疎頑無異事，隨例但添年。舊歷藏深篋，新衣薄絮綿。暖風渾酒色，晴日暢琴弦。同伴無辭困，遊春貴在先。其六。看春長不足，豈更覺深勞。寺裏花枝淨，山中水色高。嫩雲輕似絮，新草細如毛。併起詩人思，還應費筆毫。其七。悠悠小縣吏，顛顛入新年。遠思遭詩惱，閑情被酒牽。戀花林下飲，愛草野中眠。疎嬾今成性，誰人肯更憐。其八。處處春光遍，遊人亦不稀。向陽傾冷酒，看影試新衣。嫩樹行移長，幽禽語旋飛。同來皆去盡，衝夜獨吟歸。其九。朝朝

看春色，春色似相憐。酒醒鶯啼裏，詩成蝶舞前。摘花盈手露，折竹滿庭煙。親故多相笑，疎狂似少年。其十。卑官還不惡，行止得逍遙。晴野花侵路，春陂水上海。塵埃生暖色，藥草長新苗。看却煙光散，狂風處處飄。其十一。一身被春光引，經時更不歸。嚼花香滿口，畫竹粉粘衣。弄日鶯狂語，迎風蝶倒飛。自知疎懶性，得事亦應稀。其十二。曉脫青衫出，閑行氣味長。一瓶春酒色，數頃野花香。朝客聞應羨，山人見亦狂。不將童僕去，恐謂損風光。書縣丞舊廳，宮殿半山。上人家，向居古廳。眠易覺，老吏語多虛。雨水澆荒竹，溪沙擁廢。渠聖朝收外府，皆是九天除。縣中秋宿，鼓絕門方掩。蕭條作吏心，露垂庭際草。螢照竹間禽，棋罷嫌無月。眠遲聽盡磬，還知未離此。時復更相尋。

放字名逸
隱終南自
稱退士後
復應召

宋張及舉進士。為殿中丞。祥符八年。出為武功令。有政績。喜文學。及慕姚武功之為人。於是刻姚武功縣居諸詩四十餘首于石。
种世衡洛陽人。放兄子也。初以放蔭補將作監主簿。天聖中。知武功。天性嚴明。政令皆緣人情。本土俗。凡所行先與民約。度其可必行。始布下之。民以為便已也。乃更求民所疾苦。與祛洗之。夏人犯邊。自新平以下。時被屠掠。民沟沟莫能自保。或欲避南山嶽僻中。

世衡集僚佐父老告曰。所以敢凌我者。徒以民未習戰。騎射儉寡爾。顧關中人何有難是者。於是選其子弟可教者數千人。置標的。與子弟約束騎射。乃鑄金錢。懸標的上。令曰。中錢孔者以錢予之。初三四人中錢孔。各予一錢。數日。則三四十人中錢孔。再踰月。則數百人皆連中錢孔。故當時稱武功人無弗善射者。世衡之所教也。初武功人數拒吏治。吏苦于追集。世衡曰。官慢令易信。故百姓不就此長吏之罪也。我今請易之。有所呼集。但以片紙榜其門曰。縣追某人。期某時到。追者即持所榜趨縣。毋後期者。其威信在人如此。至今猶傳之。後置制環慶鄜延邊事。皆有奇績。官止東染院使。環慶路兵馬鈐轄。卒贈成州團練使。羌人朝夕哭臨者數日。清澗及環人皆畫像祠之。

王頤爲大理丞。治平中遷武功令。端重該博。治有良績。以縣故有姚武功詩刻。久且蝕矣。廼更以五體書刻而識之。

高士徹開封人。爲令有治績。遷監察御史。後復貶知縣事。已而復遷御史給事中。官至御史大夫。

呂義山蘭谿人。擢進士。初爲涇陽主簿。遷知武功。百姓親之。後遷監察御史。至戶部侍郎。

錢秉淮陽人。知武功。愛民慎罰。民畏之如神明。私無敢犯令者。三年卒于官。

李宗大梁人。舉進士。爲鄆簿。歷岐山武功令。所至有政聲。後知慶陽卒。

趙茂曾洛陽人。先爲壽春令。建中靖國元年。知京兆府。孫覽奏更武功。崇寧元年春。始至官。用法平恕。三年治成。百姓咸服。

孟通陽翟人。以仁厚治縣。號爲得體。民樂其用。修繕城郭。官署學

時有武功
令石飛卿
見司馬文
正公集

光庭字公
人程子門

明以前職
官與明初
知縣相接
有耿都督
一閱竟成
奇格

先將知縣
二十七人
總叙亦是
與前代職
官分別處
法本史記
債殖傳
列二十七
人事具穿
插迴環分
合伏露之
法可作一
大傳讀
能令人稱
其惠亦賢
矣
忘而不
是虛寫法
然亦非不
能忘者
迴顧天然
有平政只

校不刑一人。人趨事赴工。唯恐有不悅也。官至諫議大夫。
劉幹汶陽人。大觀四年知武功。臨政不苟。行已治事。以身為先。時
民感焉。詳見游靖碑。

張山甫偃師人。熙寧間除武功主簿。時朱光庭簿萬年。程伯淳簿
鄆。三子者齊名。關中號三傑焉。與張子厚善。故武功因有子厚綠
野亭。

元王君志失其名。世祖至元中為武功令。建置廟學。工欲成。擢行
臺掾去。

杜淵長安人。繼王君知武功。能繼成王君之事。

明興有耿忠者。鳳陽人。長興侯從弟也。洪武九年。詔統鳳陽軍萬
餘人屯戍關內。而居控于武功。號令嚴明。士毋敢易。暇日問俗廣
教。民忻忻興禮讓焉。學校城郭皆所議置。旋師之日。父老送者以

數萬計。民至於今猶稱之曰。耿三官人云。終都督僉事。許西子曰。
耿都督非武功吏。以有治及武功。故予得載之焉。

知縣自建置初。至撰志時。得之于故志。及父老所談說。與所身見
者。二十有七人。具以所聞者。稍列其行事。

嚴祀鳳陽人。洪武初除。故志稱其臨事簡。愛民誠。然官署學校。與
壇墀祠廟。皆所創作。草昧更革之際。而能如此。則可以知其志矣。
賴禮南康人。第進士。除知武功。故志稱惠焉。

宮廷靜樂人。有明政。予少時於父老聞其事實。今忘之矣。終九年
無細過去。

曹俊靜樂人。父老云。其行事無忝於官。亦九年去。

蘇孝澠池人。正統時除。有平政于民。民德之。嚴公以後。凡言知縣
者。無以加蘇公也。然善廉克謹。事無小大。無敢忽。即不怒。民無弗

是不作意
將嚴公以
下五人總
一筆用嚴
公贊蘇公
即借蘇公
顧嚴公法
妙事涉誕而
文獨佳

民不耐煩
官却耐煩
故事無留
滯
仁厚有禮
四字擴而
充之即古
之循吏也

民心易感
如此

三人合傳
又迴顧劉
公以上七
人無惡聲亦
難

治尚整肅
非有德者
不能政無
冗是知大
體者
精粹語讀
者當熟玩
之

威弗惠民無弗懷。天順壬午卒于官。卒之日。百姓若喪考妣。故志載禱神事絕驗。其精誠所感。豈不信哉。今可以附見其微細。正統甲子。當鄉試。蘇公夢神人告曰。汝縣合舉二人。明日。萃當試者十。一人置十一闕。以二花字內之。曰。得花者舉。已而李紀張翹得。後果二子得舉。

闕音鳩。括闕闕。取也。內與納同。

寇如圭。宜賓人。性剛毅明辯。迎事而決。無有留滯。嘗曰。細民何可令耐煩。如許。九年致仕去。民咸思之。

劉志。河內人。為人仁厚有禮。凡所施行。務存長者。民服其教。毋忍私違也。嘗值歲旱。聞太白靈湫。身往禱之。或以山多陰氣。恐其羸。僦冒寒。別有他咎。止之不聽。卒致湫來。雨隨至。各沾足。其所未至。則絕無涓滴。百姓迎勞道左。以數萬計。見雨來。則爭以雨具授公。

公麾去。曰。此神貺我民者。我何可褻易不敬。九年致仕去。老幼婦子。哭逐扳號者。不可勝數。語曰。民可以誠動。不可以詐劫。其言豈不足信哉。

李玉。江西人。

張英。沁水人。

孟王。大名人。三子者。雖少。不逮前數公。要其無惡聲云。

邊鐸。藁城人。善罵。勢威儀。以賊罷去。

勢與鮮。是也。

劉葵。鹽山人。美儀宇。治尚整肅。民敬畏之。

高璩。繁峙人。爽慨明允。政無冗焉。

張宏。內鄉人。成化中除。為政嚴毅有斷。凡所約束。民畏之。猶鬼神。嘗曰。守令之職。治民事神而已。治民弗以禮教。是棄民也。事神不

言行相顧
君子也

將成化時
十二人總
下斷語正
是顧瞻前
後處

處盜賊不
得不嚴

尊禮士大
夫正是以
禮自處

知政要矣

能蠲潔職業。雖誠然猶慢也。夫刑罰以禁姦止邪。或加諸無辜。則何以訓。方來故其行事皆於言毋少戾矣。予少時聞長老談述張公之事。則私自識記。為政有綱紀文章。若張公其庶幾乎哉。後乃以誹罷去。至今咸以為冤。成化時知縣能顯名久遠者。顧獨有張公。

成化時知縣。謂寇如圭至王翼十二人。

劉翼介休人。朴魯無威儀。乃為百姓侮。成蠱腫亟歸。則死諸塗中。陳潤泗水人。好俠。喜用計數。民初亦易之。然能先人急難。仗義有口。成化甲辰歲大饑。民相食。流移者十已六七。潤集父老豪桀。垂涕告曰。潤雖不才。尚賴倉有餘粟。可以活。父老子弟今悉去。將安舍之。况父老素無資蓄。一旦他委溝壑。何若死首邱乎。於是發倉賑焉。士大夫百姓賴以活者萬計。而其家實不肯私內一錢。是時

盜賊恣橫。屬豪傑者四捕之。雖東薪立磔。諸市由是比縣亦無盜矣。乃喜怒亡常。遇士大夫或尊禮已甚。即又嫚罵無忌。已即又佯若未罵者。故士大夫多不直云。官至應天府推官。

王翼遼東人。成化末除。寬易善譖。好遇士大夫。必尊禮之。焦上村逆旅主人。陰殺旅人。匿其貨。置屍遍滿數井。翼悉發治之。時以為能。

王王祥符人。弘治二年除。目盲不能任事。居兩年以憂去。

宋學通字文淵。湖廣永州人。弘治四年除。善治威儀。與人接言笑一無所苟。左右雖久侍。莫能揣摩意向。性蠲潔謹守。畏法令。嘗曰。政在去其所害。而興其所利。爾他皆細故。雖多毋足校也。於是極意砥礪。至里老書算。與諸在官人。終其官。莫得民杯酒者矣。諸賦役事。期在均平。或百方籌計。善奸極巧之人。毋能肆其夤緣。呼集

盡職不為
毀譽所易
是有定見
者

仁者之言

暗插第二
十六人無
痕

能近人情
者即良吏
也

忽將第二
十五人預
透一筆不
測

有主意固
好視公私
何如耳

公事簡約省易。止責諸直年。餘盡燕坐亡擾。地里遠近。皆有定約。故卒亡後期者。又喜勸勵學校。日自督責諸生。諸生即有所毀譽。心不以易也。曰。我職蓋若。此後稷祠。綠野書院。皆所創建。民歡忻。向工若赴絢塗。居九年。以誣罷去。人莫不寃之。然益可以證其行事矣。許西子曰。予為生員時。宋侯執守莊嚴。蓋凜不可易云。有貴勢者。得罪人之賂。以宋侯與善也。托解之焉。侯卒不肯。或曰。此不可失歡者。公升止旦夕。倘弗利。奈何。侯曰。彼良善無辜而死。覲有以雪之。今予明知其事。又苟且弗決。是上負邦典。下負無辜鬼神。謂何竟坐法不少貸。後所以成是誣者。此貴勢陰為之爾。宋侯去後。遺法故行。中才之吏。取而行之。亡弗效者。至正德十二年。始盡變。無有矣。語曰。知之非艱。行之惟艱。行之非艱。守之為艱。豈不誠然乎。

党茂。忻州人。弘治十二年除。性淳篤質直。而善緘默。御史治民。不責於人情之外。事完令行而已。中更剛正。不畏強禦。譽來不喜。謗至不怒。有長者之道焉。當路者以為才劣於縣。改渭源。檄至。慨然委任以去。人至今稱其賢。茂後九年。而有濮劉氏益表表然長者也。

歐陽讓。吉水人。弘治十五年除。能揣摩事體。凡有所施行。惟所私計。計定。即羣呼噪於前。佯唯唯耳。卒不以易也。事小大多寡。亡有與吏一語者。吏饒敏慧。給辨莫能窺識所指。故吏皆殊窮浸潤者。終其官。雜費無紀。實不能鉤致一錢。嘗自言曰。已既不能兼。又使人分虐下民。此何為者。去之日。民亦無有怨者。

王志。遼州人。弘治十八年除。尋以憂去。改南鄭。遷金州知州。谷鍾仁。字壽卿。臨潁人。正德元年除。有奇志。喜張大炫耀。凡所施

好賢樂士
其人之賢
可知

設惟恐人弗駭異也。中顧好賢樂士。暇則延士大夫。置酒高會。賦詩言志。其樂陶陶然。其意翛然。非筐篋刀筆所拘繫也。再踰年。以憂去。

崔傑定州人。正德四年。自鳳翔丞遷。未幾以病罷去。

如此存心
不枉讀了
民之父母

民不可先
事久勞此
語確不可
易

劉紹字繼芳。濮人。端謹誠篤人也。正德五年除。有書手作弊。紹發治之。踰月。書手死。其家人誣以為杖死也。昇其屍來。請金為葬。寮佐怒。欲治之。紹不肯曰。人死。杖木之下者。宜不少。設果非病死。吾為民父母。何忍其死無葬也。於是金予之。哀矜惻怛。猶數月。未平也。紹在官。當塗者咸禮重已甚。而居已治民。乃一切以長厚臨事。又能鎮靜罔躁。壬申癸酉之際。蜀漢有警。西征將士。供億不可勝冗。他縣皆先期飭備。人不堪命。而至多弗稱。紹待其至。始徐為之。民不知勞。而士皆稱足。曰。民不可先事。久勞。人情勞久。則避故

弗能為用也。與人無間言。接士大夫。恭而有禮。公私宴會。輒引飲不辭。即甚醉。益從容不放。閒居未嘗出一妄言。十二年。以病告歸。小大一誠。終始無媿。古稱淑人君子。其儀一兮。心如結兮。蓋紹之謂也。至其犯而不較。毀譽不形。雖故稱長厚者。亦未能或之先也。孫昌字啟宗。陝州弘農人。正德十二年除。明年有憂報至。即日解印持喪。然貧莫能歸。昌因士大夫告巡撫公。巡撫公乃移檄縣吏。約為治行。典史張進者。陰狡無狀人也。適代署縣事。新與昌忌。昌曰。若予典史治吾事。吾亡行之日也。於是索其派戶。來自治之。或多所低昂。民由是益不直昌。或怨言矣。進又妄把持昌。至指為疎闕。不得行。士大夫以理喻之。始已。易曰。苦節不可貞。貧蹇屯乏之際。誠已難居者哉。

馮璋字玉仲。遂寧人。正德十三年除。

筆法何等
簡淨

縣丞十人
一傳典史
七人一傳
得體

事雖不經
亦足示戒
君庸手為
之則可晒
矣

早起即是
學亦即是
教無少怠
是學到自
然處也
勤以教人
可謂能盡
其職

縣丞有襄陵賈盛南陽寇銓蜀蔡華田濟項城魏信任印劉琮汾
州呂彥士鄧州劉欽清平王江惟銓信終九年去而彥士能禁輯
強橫凡所施行捷於影響有機辯人咸畏之雖廉介不足亦一時
之能吏也居三年以憂去欽繼之能道說法令有犯者雖過誤悉
按法不少貸今有劉景鈞州人正德十二年自二原簿遷

典史有董英常泰郭自經董廣劉英張儀張進董英沁人有才畧
民敬畏之及罷去猶服用毋敢後也董廣藁城人與宋侯同時宋
侯恒用之二董之後畧無足觀者張儀儀封人刻薄狡險善虐其
民取之極骨髓及語百姓則曰吾為吏廉士大夫不知也即有弗
廉我安敢昧城隍城隍靈當使我父子橫死同日不踰年果父子
同日死壯兵祇候儀宅者是夜未寐見二長鬚人皂衣持鎖突入
儀寢兵以為同事者俄傳儀子死兵亟尋持鎖者內無有也乃儀

亦暴死日中張進固安人科索歲無虛日民不能堪也乃益恣肆
不悛至長吏不敢制或有所不稱數持刃擊令丞戶克狠百種罵
令丞夜以繼日毋有倦也孫昌為令時進以私賊舉發已逃去一
年及覘知定妥乃復來昌矜其逋久且貧委曲與收俸治事及昌
憂去乃更以虛妄把持昌明年御史行縣汰去夫進視儀其惡甚
不少也顧其報獨淺於儀何哉

教諭有謝茂實富順人性嚴重不苟為笑語日雞鳴而起寒暑風
雨無少怠是時士習尚俠重武後則多畏憚不敢肆矣

楊春安岳人勤以教人而嚴以守之士畏敬感激無異存日

王文解人頗以剛毅自居然善忌多疑所私比者往往陰中人過
失文即以為謗已輒慢罵無已以此士多不直或怨憾矣

林士雲邛人勤學善教歲無暇日陳潤知縣時有所會集僚佐及

獨易之只是無所求於彼

論說終日無倦是講學

教人惟恐弗皆賢此賢者之心也

遂庵楊公一清也王公雲鳳號虎谷山西和順人

此嚴師也

去後百年尚能令人思之如在何如其善教為

能約束諸生可以徵所學矣

文傑號桂窩少保貞吉社

恣縱者非夏楚二物不能化也

趙先生三字重查用之妙筆也從史記平

諸學官。或不敢正目。而士雲獨易之陳亦不以爲慢已也。九年致仕而去。

劉相成都人性樂易有容喜論說終日千萬言無倦也。又克勤善教士多愛之後累遷唐府右長吏。

曹山字東陽蜀榮縣人性敏易有學善問辯理道教人懇懇亟亟惟恐弗皆賢也當是時士習尚漸實不浮靡放恣矣曹先生繼林

劉二君而造詣更遠故士益趨於學浩浩乎莫之能禦也。許西子曰曹先生時余正爲生員親被其教其同時有趙先生爲訓導遂

庵虎谷兩君子又躬自督責士之遭際已過盛矣故宜其汲汲於學也曹先生後至工部員外郎。

俞鼎字伯器洛陽人能使諸生亡犯所令至號整齊六年遷鑑安知縣有政績尋改咸寧再遷甘肅行太僕寺丞。

金嘉玉字廷獻富順人正德十二年補除

訓導李善者楚人也有盛德克勤善教今去已百年而人思之如在後又有曲沃人田禮曲新二子皆有令名其萊蕪人張顯孟人

張憲泌陽人魯文蜀人周吉不聞其行事故無能述焉。

金鼎字大器榆次人頎貌偉容博學善辯以條理約束諸生故諸生毋敢違者日坐齋室心休休焉弗知其卑官矣。

趙文傑字士英內江人性直遂罔計而甘貧嗜學寒暑顛沛不少易也初來時察諸生皆可教乃殫盡心力敢後者則痛撻之諸生

方喜恣縱自得故亦多私怨謾趙先生者趙先生乃不嫌其怨謾已顧督責益嚴時遂庵先生以綠野書院新成士就學者日廣方

遴擇學官知無如趙先生者於是以趙先生主綠野書院趙先生益自砥礪故諸生至今能趨向於學焉。許西子曰昔余爲諸生時

以上正傳

是論贊

原君傳毛
先生得來

始梗之而
終心服焉
此其所以
為對山歟

志於教論
訓導以先
生稱者三
人曹先生
山趙先生
文傑陳先
生厚也

趙先生顧獨愛余。特厚為責索。余時視科舉績學。若秋毫浮烟。以
趙先生為厲已也。或數梗之。趙先生乃遂讐視余。而余亦數年不
直趙先生。然趙先生意在研精覃思。以成余之恢廓也。顧予卒戾
其指意。今夷思其行事。默數其所恒覩。其何能彷彿趙先生。孟子
曰。執德不回。非以干祿。蓋趙先生之謂矣。後趙先生遷雲夢知縣。
有悍民。趙先生力竄徙之。後竟以其黨所陷。罷去。此故成敗之際。
何可論趙先生也。

陳厚字熙載。合州人。承諸先生之後。其學又富贍。可師也。故諸生
咸愛敬之。其同時有王延鳳。宜陽人。後又有建昌李咸。蔚州張仁
然。安能若陳先生者。今有楊錦榮。河人。醫雖小道。然有足觀者。其表表然顯名于時。若扁鵲倉公。列諸遷
史。况郡縣乎。今得其二人。附官師之末。楊珣。長安人。以名醫召入

太醫院。授武功醫學訓科。診治殊驗。所著有傷寒撮要。針灸詳說
行於世。康佐。余從祖也。以醫推擇為訓科。善方脈。能與病者踰年
決死生。歷千百人。亡一謬者。有醫問三卷。雜治畧五卷。診法一卷。

診音軫。
候脈也。

唐高祖神堯皇帝。姓李氏。諱淵。字叔德。隴西成紀人。涼武昭王暕七代孫。自暕五世。有名天賜者。爲魏幢主。生虎。有功于周。與李弼等八人。皆拜柱國。號八柱國。周受魏禪。追贈唐國公。虎生昺。昺生高祖。獨孤皇后。高祖之從母也。故文帝與高祖相親愛。大業中。爲岐州刺史。治于武功而家焉。所謂慶善宮也。太宗實生于此。大業十三年。高祖爲太原留守。時煬帝南遊。盜賊蜂起。太宗知隋必亡。陰結豪傑舉大事。懼帝不從。因與裴寂選晉陽宮人私事帝。乃告之。五月。以詐殺副留守王威。高君雅。與突厥連和。遂起兵。而有天下。在位九年。傳之太宗。

幢音牀。幡幢旌旗之屬。

獨孤皇后文帝后。

太宗皇帝。諱世民。神堯次子。母曰太穆后竇氏。開皇十八年己卯十二月戊午。生帝于武功宅。有二龍之瑞。方四歲。有書生謁高祖。

曰。公在相法。貴人也。必有貴子。及見太宗。曰。龍鳳之姿。天日之表。年幾冠。必能濟世安民。書生去。高祖懼其語泄。使追殺之。不知所往。因以爲神。乃採其語名之曰世民。大業中。突厥圍煬帝于鴈門。帝年十六。應募往救。遂隸將軍雲定興部下。設疑示。遂引去。

後高祖起兵。徇西河。斬其郡丞高德儒。至霍邑。會天久雨。高祖欲還兵。太宗諫曰。義師爲天下起也。宜直入咸陽。號令天下。今守一城。是爲賊耳。高祖不納。太宗哭于軍門。高祖驚。召問之曰。還則衆散于前。敵乘于後。死亡須臾。所以悲耳。高祖寤曰。起事者女也。成敗惟女。遂進兵。克長安。定四方。累進中書令。初高祖起太原。非其本意。而事出太宗。及取天下。太宗功益高。高祖屢許以爲太子。建成懼廢。與齊王元吉日謀害太宗。九年六月。太宗以兵入元武門。殺太子建成。及齊王元吉。高祖聞之大驚。遂以太宗爲皇太子。八

史記王使游孫伯服多一伯字子頽莊王子釐王弟惠王之叔父也有寵作亂惠王奔溫頽為王鄭與虢君伐殺頽復入惠王太叔襄王弟叔帶也譚伯周大夫漢書蘇建杜陵人唐幸相世系表蘇忿生徙武功杜陵徙扶風平陵

月甲子即皇帝位。帝聰明英武。其除隋之亂。比迹湯武。致治之美。庶幾成康。自古功德兼隆。漢以來未之有也。

史傳周富辰襄王大夫也。襄王十三年。鄭人伐滑。王使伯服游孫

伯如鄭請滑。鄭人不聽。王命而執二子。王怒。將以翟伐鄭。富辰諫

曰。凡我周之東徙。晉鄭焉依。子頽之亂。又鄭之由定。今以小怨棄

之王。不聽。十五年。王降翟師以伐鄭。王德翟人。將以其女為后。辰

又諫。王弗聽。後大叔通於翟后。王絀翟后。翟人來誅殺譚伯。富

辰曰。吾數諫。王不從。如是不出。王以我為對乎。乃以其屬死之。

漢蘇建其上世因封居故蘇城。蘇忿生為周司寇。居河內。後徙武

功杜陵。故建或稱為杜陵人。以校尉從大將軍青擊匈奴。封平陵

侯。以將軍築朔方。後以衛尉為遊擊將軍。從大將軍出朔方。後一

歲。以右將軍再從大將軍出定襄。亡翁侯。失軍當斬。贖為庶人。後

為代郡太守。卒官。有三子。嘉。奉車都尉。賢。騎都尉。中子武。自有傳

史記翁侯趙信為前將軍。匈奴誘之。遂將其餘騎八百降單于。建盡亡其軍。獨以身歸。

蘇武字子卿。少以父任為郎。稍遷至移中廐監。時漢連伐。數通

使相窺。匈奴留漢使。前後十餘輩。及匈奴使來。漢亦留之。天漢元

年。且鞮侯單于初立。恐漢襲之。迺盡歸漢使。武帝嘉其意。遣武以

中郎將使持節。亦送匈奴使歸。因厚賂答單于。單于見漢幣遺益

驕。方欲發使送武等。會緱王與虞常謀反。匈奴中。單于使衛律論

虞常。欲因以降武。武不動。律更曲為說武。武罵絕之。律知武終不

可脅。白單于。單于益欲降武。置武大窖中。絕不飲食。天雨雪。武臥

齧雪。與旃毛并咽之。數日不死。匈奴以為神。乃徙北海上。牧羝。羝

乳。乃歸。李陵降後。單于又使陵往說武。陵因武有悲心焉。昭帝即

位。遣使求武。陽言天子射上林。得雁足繫帛。知武所在。單于驚。始

常引武副張勝知謀斬常勝請降

武杖漢節收羊臥起操持節旄盡落

元與上官
策子安有
謀

前漢書酷
吏傳趙禹
策人也

還武及其官屬尚在者。惠等九人始元六年春。武至京師。拜典屬國。子元坐法死。以别子通國為郎。

移音移。移中廐名。且子閒切。韃丁奚切。且韃侯犁湖軍于之弟。緱王者。昆邪王姊子也。虞常長水人。衛律使匈奴會李延年家收律懼。并誅亡還。害工孝反。大害舊積米粟之害而空者。惠常惠也。惠初以假吏隨武往匈奴。

趙禹以佐史補中都官。用廉為令史。事太尉周亞夫。亞夫為丞相。

禹為丞相史。府中皆稱其廉平。武帝時。禹以積勞。遷為御史。上以

為能。至中大夫。與張湯論定律令。禹為人廉。為史以來。舍無食

客。公卿相造請。禹終不行。報謝。務在絕知友賓客之請。孤立行一

意而已。嘗中廢。已為廷尉。始條侯以禹賊深。及禹為少府九卿。酷

急。至晚節。事益多。吏務為嚴峻。而禹治加緩。名為平。王溫舒等後

起。治峻。禹以老徙為燕相。數歲。諄亂。有罪免歸。後十餘年。以壽

卒于家。

中都官。若京都府史。裾讀與倨同。禹終不行。句。報謝。務在孤立。行一意。師古曰。以此意告報公卿。史記張湯傳。禹終不行。報謝。條侯亞夫也。為少府九卿。史記及禹為少府。比九卿。王溫舒。陽陵人。諄。布內反。心意昏惑也。

後漢書蘇
竟扶風平
陵人

後漢蘇竟字伯况。平帝時。以明易為博士。講書祭酒。善圖緯。能通

百家之言。王莽時。與劉歆共典校書。拜代郡中尉。時匈奴擾亂。北

邊多罹其禍。竟終完輯一郡。光武即位。就拜代郡太守。尋拜侍中。

以病免。初。鄧仲况擁兵據南陽陰縣。為寇。而劉歆兄子龔為謀主。

竟時在南陽。以書曉之。於是仲况龔降。竟終不伐其功。潛樂道術。

作記誨篇及文章。傳于世。年七十卒于家。

竟為講尚書祭酒。仲况延岑護軍。龔字孟公。善議論。

蘇純字桓公。建六世孫也。有高名。性強切而持毀譽。士友咸憚之。

至私相謂曰。見蘇桓公。患其教責人。不見又思之。三輔號為大人。

永平中。為奉車都尉。出擊北匈奴。車師有功。封中陵鄉侯。官至南

陽太守。

大人長老之稱。後漢書純為奉車都尉，實固軍出擊北匈奴車師有功，據此純未為奉車都尉。

後漢書李育扶風漆人

李育字元春，少習公羊春秋，沈思專精，博覽書傳，知名太學，深為

蒼光武子

同郡班固所重。固奏記薦育於驃騎將軍東平王蒼，由是京師貴戚爭往交之。州郡請召，育到輒辭病去，常避地教授，門徒數百，頗

元字長孫，廣信人，升字辯卿，代郡人。

涉獵古學，嘗讀左氏傳，雖樂其文采，然謂不得聖人深意，以為前世陳元、范升之徒，更相非折，而多引圖讖，不據理體，於是作難左

廖子豫為步兵校尉，坐投書怨謗，免廖歸國。

氏義四十一事。建初元年，衛尉馬廖舉育方正，為議郎，後拜博士。

後漢書蘇章扶風平

四年，詔與諸儒論五經於白虎觀。育以公羊義難賈逵，往返皆有理證，稱為通儒。再遷尚書令，及馬氏廢，育坐為所舉，免歸。歲餘復徵，再遷侍中，卒於官。

陵人八世祖建

蘇章字儒文，純子也。少博學，能屬文。安帝時，舉賢良方正，對策高

第為議郎，數陳得失，其言甚直。出為武原令，值歲饑，輒開倉廩，活

三千餘戶。順帝時，遷冀州刺史，故人為清河太守，章行部，案其姦

贓，乃請太守設酒肴，陳平生之好甚歡。太守喜曰：「人皆有一天，我

獨二天。」章曰：「今夕儒文與故人飲者，私恩也。明日冀州刺史案事，

者公法也。」遂舉正其罪。州境望風畏肅，改并州刺史，以摧折權豪

忤旨，坐免，隱身鄉里，不交當世。後徵為河南尹，不赴，卒于家。

蘇謙章兄孫也。初為郡督郵，時魏郡李嵩為美陽令，與中常侍貝

瑗交通，貪暴為民患。前後監司畏其勢，莫敢發問。及謙至部，案

得其贓，論輸左校。謙累遷至金城太守，去郡歸鄉里，後私至洛陽，

嵩為司隸校尉，為嵩所害。

漢法免罷守令，非詔徵不得到京師，嵩收謙詰掠死獄中，嵩又刑其屍。

蘇不韋字公先，謙子也。年十八，徵詣公車，會謙見殺，載其喪歸。瘞

貝後漢書作具

而不葬。仰天嘆曰：伍子胥何人也！乃藏母於武都山中，變姓名，募劍客刺鬻，不克。又潛鑿地，旁達鬻寢，殺鬻。值鬻在廁，止殺其妾。及其子，留書而去。更以其父首祭謙。鬻因憤恚死。不韋始改葬行喪，後不韋竟以鬻客陷死。

子胥父奢，為楚王所殺。子胥復讐，不韋日夜飛馳，徑到魏郡，掘鬻父冢，斷取阜頭以祭父墓。武威段熲與鬻素善，熲為司隸，乃追咎不韋，前報鬻事，使從事張賢就家收執，并其一門六十餘人，盡誅滅之。

按唐宰相世系則為并州刺史章五世孫三國志魏書蘇則扶風武功人魏志西平魏演叛則勒兵討之非謂則平

昭字公仁定陶人歷官太僕傳巽官侍中

山濤啟事稱愉忠篤有智意子紹字世嗣為吳王師衛將軍

魏蘇則字文師，漢平陵侯後也。少以學行聞，舉孝廉。茂才辟公府，皆不就。起家為酒泉太守，轉安定、武都。所在有威名。太祖征張魯，過郡悅之，使為軍導。魯破，徙金城太守。太祖崩，西平麴演、文帝以其功，加護羌校尉，賜爵關內侯。後演復結旁郡為亂，則悉平之。進封都亭侯，邑三百戶。徵拜侍中。董昭嘗枕則膝臥，則推下之，曰：吾膝非佞人枕也。初，則及臨菑侯植聞魏代漢，皆發服悲哭。文帝聞

植不聞，則也。問曰：吾受禪而有哭者何也？則鬚髯悉張，方正論極對。傅巽指曰：不謂卿也。於是乃止。文帝以前敦煌獻徑寸大珠，復欲求市，則對曰：陛下化治中國，即不求自至。求而得之，不足貴也。帝嘿然。後從帝獵，槎柱拔失鹿，帝怒，收督吏將斬之。則稽首曰：陛下欲隆唐堯之化，而以獵戲殺羣吏，臣敢以死請。帝曰：卿直臣也。遂赦之。然以此見憚。黃初四年，左遷東平相。未至，道病薨，謚剛侯。晉蘇愉字休豫，魏侍中則弟二子也。兄恬襲侍中爵，為都亭侯。恬死，無子。愉更襲封都亭侯。晉受魏禪，以為太常卿。遷光祿大夫，至尚書卒。

後魏蘇稚字天祐，魏侍中則之後。位至中書侍郎、玉門郡守。

蘇祐稚子也，官至泰山郡守。

蘇協亦稚子，為武功郡守。

周書云亮
祖權魏書
云湛父擁
字天祐存
考

北史亮少
與從弟綽
俱知名世
稱二蘇亮
過河內常
景景謂人
曰秦中才
學可以抗
山東將此
人乎

儉天水人
湛從母弟
時湛臥疾
於家

北史云讓
頗有人倫
鑒

蘇亮字景順祐子也。少通敏博學。好屬文。善章奏。與弟湛讓及從弟綽皆著名西土。初舉秀才。齊王蕭寶夤引為參軍。寶夤敗。孝武西遷。遷吏部郎中。大統二年。拜給事黃門侍郎。領中書舍人。宜都王為秦州刺史。文帝以亮為司馬。謂亮曰。黃門侍郎。豈可為秦州司馬。直以朕愛子出藩。故以心腹相委耳。賜以御馬。八年。封臨涇縣子。除中書監。領著作。修國史。亮有機變。善設笑。周文帝為丞相。甚重之。有所籌議。率昭會其旨。記人之善。忘人之過。薦達後進。如恐弗及。故當世敬慕焉。歷秘書監。大行臺尚書。出為岐州牧。十年。徵拜侍中。卒。所著文都數十篇。行於世。子師嗣。起家黃門侍郎。
蕭寶夤齊明帝鸞第六子。東昏侯寶卷母弟也。寶夤作亂。以亮為黃門侍郎。孝武修西奔。都於長安。是為西魏。文帝寶炬。孝文帝孫。宜都王名式。周文帝泰。姓宇文氏。文都。北史。周書。俱作文筆。

蘇湛字景儻。少有志行。頗涉羣書。年二十餘。舉秀才。除奉朝請。領侍御史。加員外散騎侍郎。蕭寶夤討關西。以為行臺郎中。寶夤反。令姜儉報湛。湛舉聲大哭。儉止之。湛曰。百口居家。即時屠滅。云何不哭。王以窮鳥依人。朝廷假王羽翼。榮寵至此。今國步多虞。不能竭忠報德。乃欲乘人間隙。以羸敗之兵。守關問鼎。破亡之期。不旋踵矣。湛不能以積世忠貞之基。為王族滅也。願乞骸骨。還鄉里。寶夤知湛不為已用。於是聽還武功。寶夤敗。莊帝徵湛。拜尚書郎。謂之曰。聞卿答蕭寶夤甚有美辭。湛頓首謝曰。臣與寶夤周旋契濶。言得盡心。而不能令其守節。臣之罪也。莊帝大悅。加散騎侍郎。尋遷尚書。孝武初。以疾卒於家。贈散騎常侍。鎮西將軍。雍州刺史。
魏書。蕭衍既克建業。將害寶夤。寶夤穿牆夜出。至壽春之東城。主杜元倫任城王澄迎之。時年十六。至京師。世宗禮之甚重。孝昌三年。反。永安三年。賜死。加散騎侍郎。尋遷尚書。本傳云。拜散騎都尉。仍領郎。遷中書侍郎。

遠將軍金紫光祿大夫周文帝爲丞相。引爲府屬。甚見親待。出爲衛將軍。南汾州刺史。有善政。卒于官。贈車騎大將軍。儀同三司。涇州刺史。

北史蘇綽魏侍中則之九世孫也

周書綽始制文案程式朱出墨入及計帳戶籍之法

後周蘇綽字令綽。後魏武功郡守協子也。綽少好學。博覽羣書。尤善算術。從兄讓爲汾州刺史。周文爲魏丞相。餞於都門外。謂曰。願言君家子弟可任用者。讓因舉綽。召爲行臺郎中。凡臺中公文。皆綽與條式。臺中稱能焉。僕射周惠達與文帝論事。乃綽所量定。文帝異之。曰。孰與爲此議者。惠達曰。郎中綽也。後文帝與公卿觀魚。昆明池。問故倉地。得綽對。愈益敬禮。乃更泛論天地造化之始。歷代興亡之故。並馬徐行。及池不漁而返。詢訪政道。夜以達曙。整衣而坐。不覺其膝之前也。卽拜。大行臺左丞參典機密。大統十一年。授大行臺度支尚書。領著作監。司農卿。文帝方欲革易時政。務行

疆國富民之道。故綽益盡智能。牧守令長。非通綽六條及計帳。不得居官。文帝厭文章浮華。因魏帝祭廟。羣臣畢至。乃命綽爲大誥。奏行之。其文與六條俱見本傳。綽性儉素。不事產業。家無餘財。以海內未平。常以天下爲己任。文帝亦推心委任。十二年卒于位。年四十九也。子威嗣。

周文謂周文帝泰。周惠達字懷文。文安人。故倉地。北史云漢故倉地。六條一先修心。二敦教化。三盡地利。四擢賢良。五恤獄訟。六均賦役。

蘇椿字令欽。綽弟也。性廉慎。沈勇有決斷。魏正光中。關右賊亂。椿應募討之。受盪寇將軍。以功累遷中散大夫。賜爵美陽子。大統初。拜鎮東將軍。金紫光祿大夫。除都督。行弘農郡事。椿當官強濟。特爲文帝所知。十四年置黨州鄉師。自非鄉望允當衆心。不得預焉。乃令驛追椿領兵。其年破槃頭氏。有功。除散騎常侍。加大都督。十

文帝謂周文帝

領兵北史云領鄉兵

六年征隨郡軍還。除武功郡守。既為本邑。以清儉自居。小大之政。必盡忠恕。進爵為侯位。驃騎大將軍開府儀同三司。大都督。卒。子植嗣。

功曹本傳
作史曹

隋蘇威字無畏。魏度支尚書綽子也。襲爵美陽縣公。仕郡功曹。周革命。宇文護以其女新興公主妻焉。初威惡護專權。乃逃入山中。未幾授使持節。車騎大將軍。儀同三司。改封狄道縣公。宣帝嗣位。就拜開府。高祖為丞相。高熲屢言其賢。召入臥內與語。大悅。高祖受禪。徵拜太子少保。追贈其父為邳國公。以威襲焉。尋兼納言。民部尚書。多讜言直論。語在本傳。煬帝立。加威上大將軍。楊元感反。帝曰。此兒聰明。將不為患邪。威諷之曰。所謂聰明者。識是非。審成敗也。元感聽。何謂聰明。直恐亂自此階耳。與宇文述對盜賊事。威曰。往但據長白山。今近在滎陽泗水耳。復問伐遼東。威請赦羣盜。

高祖謂隋
文帝

遣討高麗。上益怒。值御史大夫裴蘊希旨。劾威。詔威除名。尋從幸江都。帝欲復用威。蘊等奏威昏耄。乃止。宇文化及。既弒帝。以威為光祿大夫。開府儀同三司。化及敗。歸李密。密敗。歸東都。越王侗以為上柱國。邳公。王世充僭號。署太師。太宗平王世充。威請謁。見稱老病。不能拜起。太宗遣人數威曰。公隋室宰輔。政亂不能匡救。遂令品物塗炭。君弒國亡。見李密王世充。皆拜伏舞蹈。今既老病。無勞相見也。尋歸長安。請見高祖。又不許。卒于家。年八十二歲。

北史本傳。周文帝時。襲爵美陽縣公。宇文護。周文帝泰長兄。邵惠公。顯子。高熲。字昭元。一名敏。渤海蓀人。兼民部尚書。按本傳。文帝九年。拜尚書右僕射。加威上大將軍。按本傳。以本官。領右武衛大將軍。賜爵房陵侯。尋進封房公。楊元感。隋越國公。素子。宇文述。代郡武川人。父盛。任周位上柱國。裴蘊。聞喜人。祖平。父忌。並南史有傳。化及。述子。

蘇夔字伯尼。威子也。起家為太子通事舍人。楊素奇之。素每戲威曰。楊素無兒。蘇夔無父。後與鄭譯何妥議樂不行。著樂志十五篇。

素字處道
周汾州刺
史敷子
妥字栖鳳
西城人

以自見。仁壽三年，詔天下舉達禮樂源者。晉王昭爲雍州牧，舉夔與諸州所舉五十餘人謁帝。帝指夔謂侍臣曰：「唯此一人稱所舉。」於是拜晉王友、煬帝嗣位。歷太子洗馬、鴻臚少卿、關中盜起，詔夔巡關中，以功進位通議大夫，坐父事除名。後會丁母憂，不勝哀卒。時年四十九。

北史夔博覽羣言，尤以鍾律自命。初名哲，字知人，父威，由是改之。

氣畧唐書
作器畧

唐劉文靜，字肇仁。父韶仕隋，戰死，贈上儀同三司。文靜以死難子襲儀同，侗儻有氣畧。大業末，爲晉陽令，與晉陽宮監裴寂善。寂夜見邏堞傳烽，歎曰：「天下方亂，吾將安舍？」文靜笑曰：「如君言，英豪所資也。吾二人可終羈賤乎？」高祖爲唐公，鎮太原，文靜察有大志，深自結納。既又見秦王，謂寂曰：「唐公子非常人也，豁達神武，漢高祖、魏太祖之徒歟。」俄坐李密親繫獄。秦王顧宅無可與計者，私入視

之，文靜喜，挑言曰：「喪亂方剡，非湯武高光，不能定也。」王曰：「今過此，非兒女子相愛，直欲與共大計。」文靜曰：「上南幸，兵填河洛，盜賊蜂結，大連州縣小阻，山澤誠能投天會機，奮義大呼，則四海不足定也。今汾晉避盜者，文靜素知其豪傑，一朝號召，十萬衆可得也。」加尊公府兵數萬，一下令，誰不願從？鼓而入關，以震天下。王業成矣。王笑曰：「君言正合我意。」於是卒起兵，以文靜爲司馬。竟平隋，有天下。後爲裴寂所構，與弟文起並坐法。貞觀三年，詔追復官爵。

蘇世長，祖彤。仕後魏，通直散騎常侍。父振周，巖州刺史，建威縣侯。父死，王事，詔世長襲爵。入隋，爲長安令。大業末，爲都水少監。煬帝被弒，發喪，慟聞行路，更爲王世充太子太保。戍襄陽，高祖與之舊。數遣使喻降，世長輒殺之。洛陽平，始歸帝。帝謂世長，世長對曰：「古帝王受命，以比逐鹿，一人得禽，萬夫斂手，豈有獲鹿後，忿同獵者。」

瓊綱目作
瓊集覽汲
家古文曰
夏桀作傾
宮殫百姓
之財

秦修括地
志上之

問爭肉罪邪。帝笑釋之。授玉山屯監。引見元武門。與語平生。後又拜諫議大夫。帝欲獵武功。時武功新經突厥之寇。世長諫之不聽。後與宴披香殿。世長曰。此殿煬帝作邪。何雕麗底。此帝曰。卿好諫。似直然詐也。顧以我所作爲煬帝邪。對曰。臣聞瓊宮鹿臺。非受命聖人所爲者。陛下武功舊第。才蔽風雨。時以爲足。今天下方厭隋侈。以歸有道。宜刈淫奢。復朴素。乃雕飾如此。欲易其亂。得乎。帝咨重其言。歷陝州長史。天策府軍諮祭酒。引爲學士。貞觀初。使突厥。與頡利爭禮。不屈。拒卻賂遺。朝廷壯之。出爲巴州刺史。舟敗溺死。蘇勗字慎行。武德中。爲秦王咨議典籤。文學館學士。尚南康公主。拜駙馬都尉。遷魏王泰府司馬。博學有美名。泰重之。勸開館。引文學士。著書名家。歷吏部侍郎。太子左庶子卒。

蘇良嗣世長子也。高宗時爲周王司馬。王年少不法。良嗣數諫。王

以法繩府官不職者。甚見尊憚。帝異之。遷荊州長史。帝遣宦者采竹蒔上苑。所過縱暴。至荊。良嗣囚之。上書言狀。帝下詔慰獎。取竹棄之。徙雍州。垂拱初。遷冬官尚書。拜納言。封溫國公。留守西京。賞遇尤渥。尚方監裴匪躬建言。鬻諸苑果蔬儲利。良嗣曰。公儀休拔葵去織。未聞天子賣果蔬與人爭利。遂止。遷文昌左相。同鳳閣鸞臺三品。遇薛懷義于朝。懷義偃蹇。良嗣怒。叱左右批其頰。曳去。武后聞之。戒曰。第出入北門。彼南衙宰相行來。毋犯之。載初元年。罷左相。加特進。仍知政事。與韋方質素不平。方質坐事誅。引逮之后。辯其非。良嗣悸謝。不能與。輿還第。卒。年八十五。詔百官往弔。贈開府儀同三司。益州都督。

蘇瓊字昌容。隋僕射威曾孫也。擢進士第。歷朗歙二州刺史。來俊臣貶州參軍。人懼其復用。多致書請瓊。瓊叱其使曰。吾秦州牧。能

俊臣未至
州追還

普思以妖
幻位秘書
員外監支
黨徧岐隴
間相煽誅
為亂

廷碩一作
廷碩

李德裕曰
近世詔誥
惟遜叙事
外自為文
章

通鑑分吏
部為十銓
以類等十
人掌之

過待小人乎。俊臣恨之。由是連外徙不得入。神龍初。始入為尚書右丞。再遷戶部尚書。拜侍中。留守京師。中宗復政。力毆鄭普思。流儋州。累拜尚書右僕射。同中書門下三品。進封許國公。中宗崩。遺詔太后臨朝。相王以太尉輔政。宗楚客阻之。瓌正色曰。遺制乃先帝意。安得輒改。韋氏敗。睿宗即位。進左僕射。景雲元年。老病。罷為太子少傅。卒。年七十二。贈司空。荊州大都督。謚曰文貞。開元二年。擢中子。又左補闕。六年。詔配享睿宗廟庭。太和中。錄舊德。官其四代孫翔。

蘇幹。瓌從父。勗子也。擢明經。授徐王府記室參軍。王好畋。每諫止之。垂拱中。遷魏州刺史。河朔饑。前刺史苛暴。百姓流徙。幹檢吏督姦。勸課農桑。由是流冗盡復。以治稱。拜右羽林將軍。遷工部尚書。來俊臣素忌之。誣幹與琅邪王冲通書。繫獄。發憤卒。

蘇頲。字庭碩。瓌子也。幼敏悟。一覽千言。能覆誦。第進士。調烏程尉。再遷監察御史。被詔覆來俊臣冤獄。多所洗宥。遷給事中。修文館學士。拜中書舍人。時瓌同中書門下三品。父子同在禁苑。朝廷榮之。元宗平內難。凡制詔皆頲所為。又遷工部侍郎。以父喪不拜。終制。後詔以為中書侍郎。知制誥。始給政事食。尋襲封許國公。開元四年。進同紫微黃門平章事。修國史。與宋璟同當國。璟剛正。多所裁決。頲能推其長。帝前敷奏。瓌有不及。輒助成之。故帝皆納焉。瓌曰。吾與蘇氏父子同為宰相。僕射長厚。自是國器。若獻可替否。事至即斷。公不顧私。則今丞相過之。八年。罷為禮部尚書。又檢校益州大都督長史。按察節度劍南諸州。從封太山。詔頲朝覲壇。世咨其文。還分主十銓事。卒。年五十八。詔贈右丞相。謚曰文憲。文章與張說齊名。時號燕許大手筆云。

蘇誥字廷言。廼弟也。舉賢良方正高第。累轉給事中。時廼為紫微侍郎。固辭。帝曰。朕自用誥。卿奚不若祁奚也。出為徐州刺史。治有良迹。贈吏部侍郎。

光遠時為京兆尹

蘇震誥子也。以蔭補千牛。十餘歲強學。有成人風。累遷殿中侍御史。長安令。祿山陷京師。震與崔光遠殺開遠門吏。棄家出奔。會肅宗興師靈武。震晝夜馳赴行在。帝嘉之。拜御史中丞。遷文部侍郎。廣平王為元帥。以震為糧料使。二京平。封岐陽縣公。改河南尹。累封岐國公。拜太常卿。代宗幸東都。復以為河南尹。未行卒。贈禮部尚書。

武后年號

富嘉謨舉進士。長安中累轉晉陽尉。時新安吳少微亦尉晉陽。既相友善。有魏谷倚者。為太原主簿。並負文辭。時稱北京三傑。天下文章。尚徐庾浮俚。獨嘉謨少微。本經術。雅厚雄邁。人爭慕之。號吳

此傳當在蘇頲前嘉謨行集十卷今存明水詩一首

富體。預修三教珠英。韋嗣立薦嘉謨少微。並為左臺御史。已而嘉謨死。少微方病。聞之為慟。亦卒。

則天詔張昌宗撰三教珠英於內。引文士李嶠等二十六人。分門撰集成一千三百卷。開元中。張說與徐堅論近世文章。說曰。富嘉謨如孤峰絕岸。壁立萬仞。濃雲鬱興。震雷俱發。誠可畏也。若施於廊廟。駭矣。

蘇源明初名預。字弱夫。少孤。寄居徐充。工文辭。有名。天寶間。及進士第。更試集賢院。累遷太子諭德。出為東平太守。詔為國子司業。祿山陷京師。源明以病不受偽官。肅宗復西京。擢考功郎中。知制誥。值禁中禱祠窮日夜。而史思明陷洛陽。詔幸東京。親征。源明上疏極諫。帝嘉其切直。遂罷東幸。以秘書少監卒。

時宰相王璠以祈禱進

按唐書弁良嗣從孫

蘇弁字元容。瓌從孫也。擢進士。調奉天主簿。德宗出狩。縣令計事在府。官屬皆惶恐欲遁走。弁曰。昔肅宗幸靈武。至新平安定。二太守坐伏匿。斬以徇。諸君知之乎。眾乃定。車駕至。儲峙畢。給。帝嘉之。

此傳當在蘇良嗣蘇瓌之間唐書孝友列傳元讓雍州武功人

試大理司直朱泚平。進監察御史。累擢倉部郎中。判度支。裴延齡死。帝召弁見延英。賜紫衣金魚。以度支郎中。副知度支事。位郎中。上度支有副。自弁始。弁通學術。吏事精明。承延齡後。平賦緩役。畧煩苛。人賴其寬。久之。遷戶部侍郎。判度支。改太子詹事。尋坐腐粟。貶汀州司戶參軍。是時兄袞為贊善大夫。冕京兆士曹參軍。以弁故。貶袞永州。冕信州。皆司戶參軍。袞年老。瞋不能視。帝閱之。聽還。又有稱冕才者。帝悔不用。重追冕。遂不復用。數年起弁為滁州刺史。卒。弁聚書至三萬卷。手自讐定。當時稱與秘府埒云。

蘇鶻未詳其行事。崔豹古今註云。有行義集十卷。

元讓擢明經。以母病不肯調。侍膳不出閭。數十年。母終。廬墓次。廢櫛沐。飯菜飲水。咸亨中。太子監國。下令表闕于門。永淳初。巡察使表讓孝悌卓越。擢太子右內率府長史。歲滿還鄉里。人有所訟。皆

詣讓判。中宗在東宮。召拜司議郎。入謁。武后望謂曰。卿孝於家。必能忠於國。宜以治道輔吾子。尋卒。

蘇檢字聖用。舉進士。歷中書舍人。昭宗天復二年。拜工部侍郎。同中書門下平章事。朱全忠崔允反復為姦。朝廷急於累卵。檢以韓偓有才辨。數言于李茂貞。欲以相偓。偓陰附允。知事不可。不肯拜。初茂貞與諸宦者恐上自別用人。故協力薦檢。明年二月丙子。允與全忠竟害檢。

按唐宰相世系表蘇迨子蒙蒙子檢通鑑檢數為偓經營入相且遣親吏告偓偓怒曰公不能有所為乃欲以此相汙耶

夫蘇氏除世長至弁。史各有傳。予讀唐書宰相世表。觀其人至繁。衍顯盛也。今畧序之。使好事者得誦說焉。按表。蘇氏猶有秘書監一人。踐言都督一人。琛駙馬都尉二人。彥伯雲郎中二人。綰工部獻。駕部刺史八人。亶台州澄。沁州均。虔州務寂。梓州妙。泉州易。黃州奕。光州繫。滁州太府卿一人。儻太守一人。顏淮安。驍衛將軍一

澄尚壽安公主明皇女也

人。遑。國子司業一人。虔。王傅一人。盈。而其系推自平陵侯。檢別為蘇氏。非平陵侯後。

踐言良嗣子，琛，直次子，彥伯，良嗣孫，雲，良嗣曾孫，結，澄子，獻，幹子，直，夔子，澄，威孫，均，勗子，務，寂，踐言子，妙，又子，易，題孫，奕，詵孫，繫，易子，愼，良嗣元孫，顏，環子，遑，琛子，虔，字，執儀，繫孫，盈，環孫，嘉，王傅，按表，又有濟州刺史昱，幹弟，又按良嗣傳，踐言子務元，邠王府長史。

曉歷官左
諫議大夫

宋蘇曉字表東。父瓚。仕後唐。歷秘書少監。曉宋初為淮南轉運使。歲入百餘萬緡。開寶三年。遷司勳郎中。改西川轉運使。仍掌京城市征。發李守信賊。拜右諫議大夫。判大理寺。卒。年七十三。然深刻少恩。非長者云。

李守信市木秦隴間。盜官錢鉅萬。既受代。為部下所發。至中牟。自到於傳舍。太祖命曉按之。逮捕甚衆。

游光濟官至大理寺丞。贈朝請郎。子師雄最知名。

蘇昞字季明。與游師雄同學于張載。乃後昞又卒業二程。元祐末。

卒。呂大忠薦之。起布衣為太常博士。坐元符上書。入邪籍。編管饒州。

大忠宋史
作大中

大忠字進伯。大臨之兄。薦昞謂其德性純茂。強學篤志。行年四十。不求仕進。真西山讀書記云。胡安國譏昞越職上書。必有非所宜言者。

順德軍宋
史作德順
軍議棄四砦
事執政不
聽因著分
疆錄

游師雄字景叔。第進士。為儀州司戶參軍。順德軍判官。與鄜延諸

將計議邊事。賴以無患。元祐初。為宗正主簿。議棄四砦事甚力。執

政弗從。遷軍器監丞。夏人謀分據熙河。師雄語劉舜卿制之之策。

已而皆大捷。斬獲幾四千人。虜鬼章及其大首領九人。遷陝西轉

運判官。提點秦鳳路刑獄。夏人侵涇原。復入熙河。師雄議於定西

通渭之間。建三柵。及護耕七聖。以固藩籬。為無窮之利。詔以師雄

議付范育。入拜禮部員外郎。加集賢校理。為陝西轉運使。計轉輸

事。上皆從之。有詔詣闕。哲宗勞之曰。洮州之役。可謂雋功。但恨賞

七聖當作
七砦
范育字異
之三水人
祥子

熙河宋史
作熙州

太薄耳。拜衛尉少卿。上數訪邊防利病。師雄具慶歷以來邊臣施置之臧否。朝廷謀議之得失。及方今禦敵之要。凡六十事。名曰紹聖安邊策。上之。出知河中府。進直龍圖閣。知秦州。未至。夏人擾邊。詔攝熙河。與使者及秦帥共謀之。師雄志在築城守禦。而使者方銳於計。擊然卒用師雄策。自復洮州之後。于闐大食。佛林。邈黎。諸國皆懼。悉遣使入貢。未幾還秦。徙知陝州。卒年六十。師雄慷慨豪邁。少有文學。事橫渠張載。益得其奧。及被委用。有志事功。議者以用不究才為恨。弟師韓亦以英俊知名。子靖。竑。蟻。竦。皆舉進士。傳其家。

游靖舉進士。為河南府左軍巡判官。管勾秦鳳路機宜文字。有學行。克肖厥父。文章簡易。順理時以為工。

元康氏諱廷瑞字子安。讀書長寧西門原上。有弟子數百人。宗師子安。明性理之學。於是稱之曰西原先生。後辟為興化訓導。其行事見家譜大傳。孫諱汝楫。在皇明最有勲德。

汝楫號東里

明一統志
汝楫以儒
術起家洪
武初歷官
四川安岳
知縣有治
績

皇明康氏諱汝楫字濟川。洪武初舉明經。為縣學訓導。太祖皇帝選天下文學知名之士。教太子諸王。乃以訓導為燕王相。參錄其軍國事。洪武末。出為安岳知縣。靖難後。太宗皇帝徵赴行在。拜行部左侍郎。留北京輔皇太子。凡城守置治事。皆聽便宜行之。侍郎有大勲德。上將封之為侯。固死不拜。比卒。又上表乞勿賜贈謚。上竟皆允之。一日上召其子俱來。值中子年賈在外。迺以長子諱爵為上林苑監左監正。季子禋為監副。又賜中子年千金。鏹數十千貫。勅關津吏往來不得詰察。上謂廷臣曰。侍郎忠。其子孫必忠。聞侍郎尚有孫侯長當。并官之。又曰。二子初仕。或未諳悉法禁。錦衣衛可記名。有過勿刺。洪熙元年。贈工部尚書。諱爵字以德。在上林

按明史選舉志洪武十八年廷試擢一甲進士丁顯等為修撰二甲馬京等為編修此云十三等及第俱誤昭舉景泰四年鄉試

即條陳山西苑戶久役之苦。上皆從之。累遷南京太常寺卿。裡字以敬。有文名。官至右通政太常。子諱健。字自強。天順初。有詔起尚書孫應祀者。受通政司知事。知事子諱鏞。字振遠。世稱康長公。以文章名世。目曰關西夫子。仕為平陽府知事。其言語行事。並見家譜大傳。子阜。字德瞻。七歲能詩。十八歲死。以次子海贈翰林院修撰。

馬京字子高。少學於康尚書。以文學知名。洪武十三年進士及第。授翰林院編修。永樂初。拜行部右侍郎。未幾卒。仁宗皇帝贈少傅禮部尚書。謚文簡。京為人方正。有才思。立朝多所建明。上嘉納之。然取之囹圄之中。而卒於効用之始。故其美大莫究。時論惜焉。子健。以蔭為太常寺典簿。後至兵部主事。天順末。主事孫昭舉鄉試。後為武邑知縣。昭子安。以例為國子生。終滎河知縣。

按別史京與陳壽許思溫瘦死獄中。洪熙元年贈榮祿大夫。少傳謚文簡。志云取之囹圄之中。卒於効用之始。又云贈禮部尚書。俱無考。

列女帝魯元妃姜原。有釐氏女也。初無子。與帝魯禋祀郊。媒以求有子。出遇巨人跡。悅而踐焉。震動有孕。乃生后稷。是為周人生民之祖。詩曰。厥初生民。時維姜原。蓋此之謂也。餘見史記周本紀。太姜者。周太王妃。有邠氏女也。生太伯。仲雍。王季。太姜有色而貞。順率導諸子。至於成童。靡有過失。太王謀事必於太姜。太姜相太王。修復后稷之業。積德行義。至其孫武王。遂有天下。此太姜之德也。

治字連波。右將軍子。爽之孫。郎之第二子。也。該通經史。

符秦竇滔妻蘇氏。名蕙。字若蘭。陳留令武功蘇道質第三女也。年十六。歸于竇氏。滔甚敬之。符堅寇襄陽。以滔為安南將軍。留鎮襄陽。滔攜寵姬趙陽臺往。蘇氏怨之。不肯與俱。而滔竟與斷音問。後

金輪皇帝
製文云縱
橫八寸題
詩二百餘
首才情之
妙超今邁
古

對山有李
節婦歌
銳臨响主
簿文圓子

武氏之節
從王氏口
中再為叙
述而王氏
之節與孝
自著

唐進士有
蘇源明見
人物志

宋進士有
蘇紇見陝
省通志

蘇氏悔恨自傷因織錦為回文縱廣八寸計八百餘言縱橫反覆皆成文章因以寄洎襄陽洎覽之感其意於是迎蘇氏來襄陽而歸陽臺於關中恩好愈篤焉著有文詞五千餘言隋亂不傳止傳其回文回文有武后記言蘇氏事甚詳。

皇明丁氏喬銓妻銓死無子守節四十餘年始終無玷正德二年

知縣鍾仁以聞後八年命始下知縣紹表其門。

喬氏李銳妻銳死貧無以依挈其女居故族兄祿家織紉自活幾四十年女子已嫁值婿死乃更與女居節操莊嚴士大夫累言諸有司知縣璋至始上聞于朝云。

王氏周村人郝讓妻讓少喪父母武氏年二十餘寡居辛苦萬狀匍匐至讓成立為取婦有子子夭乃讓亦死王氏親鄰多勸之嫁不從曰有姑在不可無與養也姑乃更勸之王氏曰姑昔值舅亡

有盛年艾容誓死不更人所以極辛苦者徒以讓爾今讓不幸死無能終老母之養妾為之婦忍姑更匍匐邪於是卒意自守力作養姑終身不衰。

選舉志第七

武功代有豪俊其被與選舉要不渺矣自傳記所觀載者魏有蘇則舉孝廉後魏有蘇亮蘇湛舉秀才唐蘇瓌蘇頲蘇踐言蘇綰蘇獻富嘉謨蘇弁蘇亶蘇奕蘇慎蘇顏蘇虔蘇檢舉進士蘇幹元讓蘇澄蘇均蘇務寂蘇妙蘇易蘇繫擢明經蘇誦蘇盈舉賢良方正宋游師雄游靖游竑游蟻游竝游竦元張泰皆舉進士泰子張緝孫張顯舉鄉貢明興科舉之制未定其舉明經有先尚書公舉進士有馬文簡公舉人材有吉安府同知王璽瑞州府同知文顯德安倉大使康舉自科貢之制定士非此不能仕今列諸科貢者於

篇使後世足覽焉。

按洪武十二年方罷科舉京係十八年進士鄉試無所考通省志京舉二子鄉試又云欽賜進士俱誤明史選舉志洪武三年八月特設科舉明年會試令各行省連試三年既而罷科舉不用至十七年復設

定科舉式後遂以為承制未景濂會試紀錄片自壬子至甲寅五歲連貢歲權於乙卯始復舊制志科貢是極整極鍊之文非題名錄也

宣德元年一人符信。府以子泰封鄭

正統三年一人符泰。洪海永平學訓導林偃六年一人丁璿。乙丑進士

景丙。昇子九年二人張翽。清遠肅寧縣縣李紀。趙州學十二年一人

景泰元年二人張輔。羽子太原府推官劉縉。臨縣知縣四年二人陶清馬昭。京孫

武邑縣七年一人馬驥。潞城學訓導房

天順三年一人丁仕能。壻從子濰縣平陸富順六年一人李琳。武

成化元年二人李得春。平陽南陽府學訓導馬騫。驛弟二十年進

弘治二年二人侯相。蒲州學正湯楊和。聞中臨淮訓導王田十一

年三人楊秉中。舟子正德六年進士行康海。翰林院修撰劉臣丹

縣知十四年一人李堯賓。子得春十七年三人康浩。鑿中子正德六

事吳世瞻。銅梁縣知縣張舜舉。羽元孫太原府學教

正德二年一人趙雍熙。壺關任邱縣知縣五年二人楊瑁。景懷子許

朱維屏。縣學訓導十一年二人牛兆祥。府同知李朝綱。陽曲縣

朱維屏。縣學訓導十一年二人牛兆祥。府同知李朝綱。陽曲縣

朱維屏。縣學訓導十一年二人牛兆祥。府同知李朝綱。陽曲縣

朱維屏。縣學訓導十一年二人牛兆祥。府同知李朝綱。陽曲縣

朱維屏。縣學訓導十一年二人牛兆祥。府同知李朝綱。陽曲縣

朱維屏。縣學訓導十一年二人牛兆祥。府同知李朝綱。陽曲縣

朱維屏。縣學訓導十一年二人牛兆祥。府同知李朝綱。陽曲縣

朱維屏。縣學訓導十一年二人牛兆祥。府同知李朝綱。陽曲縣

朱維屏。縣學訓導十一年二人牛兆祥。府同知李朝綱。陽曲縣

山西按察 十四年二人耿儒廣平通判耿朝用霸州知州

貢洪武時十人鄭岩十七年安縣知縣張憲十九年刑部主事袁溥二十一年浙江按察司僉

事王祐壽縣知縣崔裕昌學訓導楊貞戶部照磨王用九年

刑部員外郎鄧恣按察司經歷山西楊凱梁縣知縣張貞五年

永樂時十人張謙府檢校鄭訥四年耿輝前衛經歷王郁八年劉鈞

十年定興楊沂十二年留守徐智十四何王十六年四川馬健八年

縣縣丞年鴻臚寺年引禮舍人虎文年

洪熙時一人文郁州元年隰州吏目

宣德時六人李璿二年宋瑀四年王佐六年何著八年墊江朱琛九年董璉

正統時十四人鄧信元李茂二字文泰三年光祿寺監馬良四年包

整五年富州吏目宇文政六年李恭七年李俊八年段暹九年曲陽李耕十年平

府典儀上
下俱遺一

判殷倫十一年張本十二年三萬衛經歷王瑾十三年張隆十四

景泰時七人趙興元同縣丞許敬二年劉福三年江都党惠四年澤州

慶衛學教授鄭莊五年榆社縣丞馮寅六年內鄉縣丞張鳳七年

天順時四人曹俊二年李永府推官王翰六年江寧寧申靖八年荻

檢六年又許貢四十已上者十人郭維新知事尚望副指揮順

天府推官侯清縣丞苟容絳州大使李尚義葛瑤所大使

河陰縣訓導劉彧溫江縣任和

成化時十一人張繪二年安慶府山于壽四年李文圓六年序班臨

康長公諱鏞八年馬負圖十年杞康演十二年段子玉十四年修

康錫長公弟十六年張通池縣主簿李迪二十年衛劉振二十二年

弘治時十一人閻秀元年夏楊舟三年夏縣學訓導張巽五年孫丁丙

此於舊志
人物後別
為科貢人
物作傳格
與官師志
載知縣二
十七人畧
同但彼為
一篇此分
兩篇耳
十八歲貢
入太學遂
為主事亦
有者

七年大同左衛學訓導鄭府伴讀李本九年金堂縣主簿朱聰十年貴州蠻夷長官司吏目牛經十一
州府康錦長公季弟十二党資祿十三年富順縣丞劉大經十五年大馮
義寅子十七年南城兵馬司副指揮

正德時張鸞朔州山陰學訓導蔡蘭三年宜陽學訓導康永嘉寅子五年符珽泰
五年西趙章七年奉化學訓導楊珂景隆子九年順慶府學訓導党旺惠子十一年張
儒珍十三年河間縣訓導張秉十五年

武功之士所進用於昌時者如是而已舊志不列其行事夫國家
承平百五十年諸君子豈無表然在人者今已不述後何以觀焉
余於是懼因鄉先生各道其所知乃畧著其行事於乎盛哉錄不
及其存者君子事定於蓋棺之後也

張憲美儀羽倜儻有氣年十八歲貢入太學太祖愛之以為刑部
主事上每以部中事問憲憲應對殊有條理同官有罪者或引及

憲上曰是我小主事邪必非若比遂置不問乃後竟以引逮謫戍
鞏昌至元孫瑛有功陞百戶

袁溥字汝公為浙江按察司僉事有令名訟者至則迎刃而決無
有凝滯以罣誤左遷吳縣知縣後又坐解戶失金謫戍

黃琮字伯玉通周易為岳州通判能其官人稱廉平歸時行李蕭
然若諸生時也

張羽字仕儀為文水知縣政令嚴明發摘若神桀民有稱十虎三
彪一太歲者羽悉按法徙之時以為能

王用初為刑部主事用法平恕私門亡所交接事聞太祖皇帝嘉
賞之因遷員外郎

李籽為平陽府通判平陽人云有遺愛焉

符泰字伯亨信子也舉時年十八在太學聞母憂徒跣至家廬居

有遺愛使
不朽

正人也

真能員也

不失諸生
本色

決獄無滯
是得令名
之第一端

以禮自處
方能以禮
教人

丁公固善
人李侍郎
亦古君子
也惜未志
其名

有惠政故
人愛之

可為貧士
有志者法

教童子當
如是也

謝仕者即
以子敬為
法

墓側者五百日。父命徙歸。乃更廬于中門外。免喪。除洪洞訓導。能以禮教諸生。自令丞士大夫以下。皆殊敬之。有繼母憂。改永平學。天順初。上言十一事。極論時政得失。訓導滿。遷林縣教諭。先是吏部以泰擬選御史。會目眚。不預。再有繼母憂。改偃城。攝偃城縣。民以為平。乞為令。巡撫累疏薦補。不報。教諭滿。乃拜鄭府右長史。在鄭府。多有諫正。王敬納之。詳見家集。泰篤厚恭謹。孝友天成。居鄉守官。人無間言。年六十七。卒于官。子珽。為西鄉學生。正德五年貢太學。

丁璿字大器。第進士。除行人。為人溫恪罔躁。所交人無小大。皆敬信之。卒後。士大夫過者。必哭加賻焉。成化甲辰饑。李侍郎來賑關中。行縣。至則首訪其家。拜其妻。歎曰。吾大器乃如此。天平善人何尤。即以所有資俸盡與之。後其妻亦以貧死。子紹先。讀書無成。死

無子

張翹字鳳儀。為清遠縣丞。有惠政。士大夫至今傳誦其賢。改肅寧。治效若清遠。後遷絳州判官。益為絳人所愛。子秉鸞。皆歲貢。

李紀以貧為趙州訓導。質朴無華。教人勤懇詳至。罷歸後。乃益貧。又不欲干謁人。猶聚徒教授。取給焉。可以知其志矣。

馮寅字子敬。未仕時。聚童子為小學之教。凡灑掃應對之屬。曲盡其節。後為內鄉丞。歸已足。以自養矣。猶孳孳教人。不憚煩碎。有古昔鄉先生之風焉。今士大夫謝仕以居者。或不欲自課其子孫。况凡民童子哉。

子敬為對山蒙師。嘗奇對山而予之。可謂能知人矣。見對山集。

尚望字周臣。為中城兵馬副指揮。有膽氣。能不奪於豪貴。禁奸止暴。令出唯允。中城人殊敬畏之。至今猶以為良兵馬云。有劉原者。

清何張陳
應周式詡感
因及武功
志三神事
謂此傳與
官師志蘇
公張儀事
也
百金不恡
可謂真爽
慨矣

雞鳴而起
卽以身示
教之一端
也

金城今蘭
州堅號容
思
不請托不
談世事知
其聞道於
容思南陽
講學時也

非禮不聽
自然非禮
不言

欲以簡易
理衝繁誠
有所見

故無子。以養子治業。及原有子。原未幾死矣。養子私其蓄積。毋肯與原子。原妻歷訴。皆爲養子請托失理。一日妻夢原令訴望所。妻來訴。望已先夢原訴。指其匿貨所在。隨發得之。人以其爲神。遷順天府推官。致仕。年七十卒。

馬驥字漢房。潞城訓導。遷房山知縣。有父憂。改南部。性爽慨。重然諾。好義有氣。隣里婚喪。多所成助。出百金。急人之難。無恡色。篤愛同氣。老而不倦。罷南部歸。日與士大夫故舊遊宴相樂。曰。歲月如坂上走丸。直不可不遣也。年六十五卒于家。

楊福字宗善。甘貧嗜學。居寶意上方。從游及門者。若將百人。福每雞鳴而起。寒暑風雨。無所間。後除河陰訓導。以所教於寶意者。教之士子沛然從焉。至今河陰人猶稱福善教不忘也。福後卒於河陰。

李得春字時魁。初爲平陽訓導。年甚少也。能自治威嚴。諸生成畏憚。之後改南陽。金城段先生堅。知南陽。獨禮重之。段先生號有理學。故得春益造詣。罔謬。遷壺關教諭。以憂改榆次。致仕歸。貧。至居敝不葺。人以其爲難。未嘗請托長吏。閒居詠歌古昔。絕不談世事。年八十卒。

魏璽字廷寶。歷潞城鹿邑訓導。吳江南河教諭。所至皆有嚴憚。遷國子助教。再遷代府右長史。卒于官。璽爲人質直好義。嗜學秉禮。平日未嘗妄言謾論。聞非禮之言。則耳頰俱赤。待人無衆寡小大。各得所敬。曰。施報之際。固宜若此。爾年六十八卒。

侯相字良弼。以親老。求爲蒲州學正。學正滿。遷湯陰縣知縣。湯陰道衝政繁。相欲以簡易爲理。遇當塗者。或至闕畧體面。當塗者乃以爲迂相。益自信。不肯易。居二年。有憂歸。尋罷縣。貧居尚志。年五

霍印志明
初主簿
進武功人
監生

十八卒

其以例入監者。天順六年四人。王聚大同府知事。張禮南皮縣丞。宇文縉廣安州同知。

成化二十年八人。郭友鴻臚寺序班。王縉聚子鴻臚寺序班。馬萬國驥子雙流曹縣主簿。

馬萬衢驥子清豐縣主簿。陳紀伊德。馬安昭子東安主簿萊縣知縣。王大經聚子。

伊府典儀正。王官丁誥紳子。張世狝。王繼祖大經子。王堂璣子。十年三人。

正德三年十人。王佩昭子。馬萬域驥子。魏鏐璽子。劉璣大經子。馬執

中。張仲儒。馬正中駒子。馬存信安子。

掾史入官者。成化已上。縣不過數人。今益多。不可勝紀矣。取其卓

然名於官者。列諸篇焉。

張輝廣陵縣典史。李能內鄉縣典史。楊景隆鳳陽廣濟關河泊所官。景德章南樂縣縣丞。楊

景懷光祿寺監事。丁紳邯鄲縣典史。賀澄蠡縣典史。楊景新河津縣主簿。王昭丹

武職。趙興蔚州衛指揮同知。靳通定遠後衛指揮僉事。秋敬會州衛千戶。王大秦州衛百

衛千戶。杜安開平衛副千戶。馬記留守前衛副千戶。張瑛憲元孫鞏昌衛百戶。余四涼州衛

李貴寬河衛百戶。賀胡兒河州衛百戶。李忠興隆左衛百戶。

封贈尚文英望父贈中城兵馬肅部主事。康懋長公弟浩父

者。民馬宗祿有信義持是弄鄉人。康和舉子長厚有禮於物無所

打吾避人。罵吾謝吾。何党端富財好義喜怒不形有倫兒夜入其

較乎人。至今稱其言。若此。更以所倫令子弟。予而喬鼎謹厚詳審於人無所爭與弟

遣之。終身不肯言倫兒名。目曰大髯。張朋舉親宗睦隣無所怨惡

小髯云。張朋舉親宗睦隣無所怨惡。親宗睦隣無所怨惡。

濟西子曰。余為武功志。其義例皆見諸篇。余不知其詳與畧也。故

濟西子曰。余為武功志。其義例皆見諸篇。余不知其詳與畧也。故

濟西子曰。余為武功志。其義例皆見諸篇。余不知其詳與畧也。故

濟西子曰。余為武功志。其義例皆見諸篇。余不知其詳與畧也。故

猶望後之君子繼而正焉。志作於正德十四年秋七月朔日。成於是秋八月三日。冬十月十九日隴郡馮韶書成入梓。

武字宗文
岐山人官
僉都御史
巡撫宣府
罷歸

原跋

夫志鄉國之史作者詳。或失之泛簡。或失之畧。私失之去取不守。一如是。志法廢矣。昔者司馬氏世為太史。談未及者。遷畢其論。著為史家獨步。我康長公會作武功志。散失不存。對山太史繼而成之。其繁簡取捨。咸得精守。說者謂不愧司馬父子。其知言哉。正德庚辰春二月北山居士楊武跋。

邑庠生

張 筠松友

桂殿盈玉階

孫 燮午卿

魏大作芥菴校字

讀觀
蘇軾直學
會詩時史
史山人官
旋年宗文

蘇大朴林蘇林

蘇燮千輿

蘇燮益王訓

蘇燮益王訓

邑率主

夷氣春二月非山

文其幾簡用能風群蘇蘇

蘇史宗蘇志非蘇是公會

一收景志書蘇是昔昔同

大志傑國之史非青精短

風也

